

大輪經

下
唐

C40
4514
35



1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

C40-4514

了翁上座請大藏及百
家書置武州紫雲山
我微庵塔院庭前永
為學者不敢許出院內
當由二世鐵牛機註



B 64853

佛說大方廣十輪經卷第六

失譯師名今附北涼錄

刹利依止輪品第八

復次善男子十種依止行輪一切聲聞辟支佛乃至
如來皆與同等若有成就依止輪者真善刹利乃至
真善婦女速疾得成聲聞法器辟支佛種亦能成就
如來法器何等爲十族姓子謂真善刹利乃至真善
婦女身口意業清淨法行有慚有愧狀惡已身畏五
盛陰不見生死大河彼岸樂於寂靜離諸憒鬧無有
諍心不譏他短守護諸根心常念定善觀因果能成

就禪定常樂攝心善解生滅如是則能成就十依止
輪是名爲真善刹利乃至真善婦女速疾成就聲聞
乘辟支佛種亦得大乘阿鞞跋致如是族姓子能成
聲聞辟支佛乘依止此輪度諸有海入涅槃城云何
名依止威儀輪云何名依止我所謂依止五受陰故
名爲依止於五受陰而作已想決定依止云何名威
儀有陰威儀有界威儀是名威儀云何名輪諸佛神
力所持言教皆名爲輪及與劍輪如是聲聞辟支佛
人依止此輪求涅槃道染著依止不任大乘清淨法
器云何依止依止陰界心生驚怖依止厭離依止於

身而求解脫度脫已苦以已受陰爲求一切衆生解
脫以著已受故而不堪受大乘法也但自爲已不爲
衆生無大悲心以是義故不任大乘久住生死便捨
他苦爲欲斷已煩惱故不能捨於手足頭目是故不
任大乘法器亦不求於大乘道輪而亦不求梵音輪
也是故不任大乘之器獨一無伴入涅槃城以是義
故若有衆生不聞聲聞辟支佛乘諸行不具善根不
熟微少精進若此人前有所說法二俱得罪亦是擾
亂一切諸佛以是義故若有衆生於聲聞辟支佛乘
而不成熟諸善根者若聽微妙大乘經者彼人愚癡

自謂爲智墮於斷見如是人等說無因果無善惡業亦於我法而作壞亂非法言法非沙門自稱沙門非比丘言是比丘遮斷一切聲聞辟支佛乘令不流布若於聲聞辟支佛法出家受具足戒爲集一切諸善根故堪任法器及不任者學無學人善巧言辭機辯無礙已證諸果乃至真善凡夫具足持戒於是等邊而作罵詈奪其衣鉢執縛繫閑如是斷常是人中羅刹得人身難寧墮地獄得無量罪不受人身起於斷見是故生常愚癡口不能語乃至命終趣阿鼻地獄人身難得於阿僧祇劫設得人身於諸佛界生五濁

世身常瘡痘口不能語耳無所聞如是等病逼切其身志意錯亂無有飲食資產財業遠離善知識成就諸惡亦爲惡見之所覆障造衆逆罪而說斷見惱亂我等聲聞弟子持戒清淨修功德者爲惡所染若人下根下精進不求聲聞辟支佛乘於大乘道而生斷見欲求人身尚難可得況求聲聞辟支佛乘於此二乘尚不能行況復能了甚深大乘譬如坏瓶多諸穿穴若盛油水則皆漏盡而俱失壞何以故是器過故若有衆生根不熟者亦復如是同彼瓶相善男子如盲人前示種種寶如是無智慧者憍慢放逸乃至斷

見廣示大乘亦復如是不能了知譬如有人其身臭穢雖以栴檀沉水香等種種塗身猶不能香如是不勤求聲聞辟支佛乘不斷惡業乃至邪見若以摩訶衍大乘香塗猶故不香譬如薄田雖植好種終不能成如是不能勤求聲聞辟支佛乘於彼五欲不生耽離如是之人若以摩訶衍道而爲說之則不能成譬如毒瓶著少石蜜不任食用若不能修聲聞辟支佛乘乃至大乘言無因果者若欲爲說大乘經典不能令彼如聞修學則不信受猶如毒瓶置少石蜜如是不任聲聞辟支佛器而置大乘味者當知是等二俱無用亦如在人前若彈箜篌箏笛鼓貝作衆妓樂不能解了如是不能勤求聲聞辟支佛乘有重貪欲瞋恚愚癡乃至於聲聞乘根不熟者若爲說摩訶衍道亦不能了譬若有人不持鎧仗而入戰陣既入之後必當得於無量苦惱如是不能勤求聲聞辟支佛乘根不熟者若爲顯示摩訶衍乘亦復如是必當得彼無量苦惱是故善男子有智之人先觀衆生然後說法以悲喜捨心及利益心不懈怠心以忍辱心不憍慢心無放逸心無嫉妒心無憊惜心以修定心爲人說法亦不令他墮墮惡趣不如意處是故如來能知

他心救濟衆生隨其信輪而爲說法以大莊嚴而自莊嚴若爲菩薩摩訶薩說法恒以大悲因緣爲斷衆生一切結使而爲說法度諸有海爲於三乘中隨使成就一乘故而爲說法終不欲令墮於生死而爲說法分別諸陰而爲說法分別諸入而爲說法分別諸界而爲說法分別欲界道而爲說法分別色界無色界道而爲說法不爲今世有不爲後有不爲行有不爲心想有不爲心行有不爲意思不爲無明有乃至不爲生老病死有不爲行無行衆生而爲說法乃至行非行寂滅而爲說法一切想無生而爲說法

云何名行行者名爲死此生彼若能覆此生死名滅行非行云何名輪如意寶能持一切徧滿虛空度諸國土觀察世間諸行起滅猶如幻化不與聲聞辟支佛共是故名斷一切行輪如意善男子如來以如是相爲諸衆生種種說法亦如虛空無有分別與無量三昧自在遊戲而爲說法如是菩薩以大莊嚴而自莊嚴爲諸衆生說色非空離色非空乃至識非空離識亦非空眼識非空離眼識亦非空乃至意非空離意亦非空眼識非空離眼識亦非空意識非空離意識亦非空空處非空離空處亦非空識處非空離識處

1 2 3 4 5 6 7 8 9 200

1 2 3 4 5 6 7 8 9 210

亦非空無所有處非空離無所有處亦非空非想非
非想處非空離非想非非想處亦非空四念處非空
離四念處亦非空道亦非空離道亦非空十二因緣
三不護法十力四無所畏十八不共法大慈大悲大
喜大捨乃至涅槃非空離涅槃亦非空善男子是名
如來中道實義決定性相爲他衆生分別演說諸行
無生住持正法徧滿虛空乃至無量定一切法相
皆如日光照明開示令入三乘爲得涅槃令使解脫
菩薩摩訶薩如是說法爲最第一利益衆生諦聽甚
深法已隨意所欲於三乘中隨所修習種種善根則

善住一乘亦不增益諸不善法其行堅固不退涅槃
菩薩摩訶薩爲斷無量生死劫苦而爲說法亦爲聲
聞辟支佛乘衆生令度四流菩薩摩訶薩爲斷一切
衆生四流而爲說法聲聞辟支佛乘但爲自己斷四
流故而爲說法菩薩摩訶薩爲斷衆生煩惱病故而
爲說法聲聞緣覺爲斷己煩惱故而爲說法菩薩爲
斷衆生煩惱業習使無餘故而爲說法聲聞緣覺雖
斷煩惱習有餘故而爲說法聲聞緣覺離於大悲而爲
說法菩薩摩訶薩但爲悲愍諸衆生故而爲說法聲
得大悲果報故而爲說法聲聞緣覺離於大悲而爲

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

聞緣覺雖復說法實無悲愍利益之心菩薩摩訶薩爲滅衆生諸毒苦故而爲說法聲聞緣覺但滅已苦故而爲說法菩薩摩訶薩爲滿一切法味故而爲說法聲聞緣覺自滿已法故而爲說法菩薩摩訶薩爲一切衆生得法光照成大明故而爲說法聲聞緣覺但爲自得法之照明不爲衆生演說法相善男子是名略說滅除一切大無明闇得大明故爲欲成就一切種智悉覺悟故乃爲他人分別說法聲聞緣覺爲欲滅已無明闇障內自照明得正覺悟善男子聲聞緣覺不爲衆生而生厭惡不爲愍救度脫他人不爲

於他令得名譽稱揚讚歎不喜他人而生詭曲但自護已不護於彼不爲安樂一切衆生聲聞緣覺若見他人有微細過必起身口意業等罪善男子菩薩摩訶薩住大乘者皆悉救護慈愍於他乃至不見衆生身口意業過善男子若有衆生起於麤弊愚癡惡口自謂爲智乃至不離邪見爲求他利而生嫉妒貪著名稱自譽輕他不能守護身口意業心常念惡無有慾傷而喜惱亂選擇福田若有依我而出家者不見其過輕毀罵詈心常散亂不自省已念譏彼闕於大乘人雖生願樂無寂靜心起重惡心乖離他人恒作

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

是語而自稱說是大乘人亦敎他讀誦但自讚已非
 毀於他以是義故讚歎大乘自不調伏於大乘道而
 欲敎他修行大乘便作是說自謂大乘譬諸惡行律
 師而敎人言如是諂曲難得人身亦失聲聞辟支佛
 乘常趣惡道不欲親近諸有智者而唱是言作師子
 吼我是大乘善男子譬如有驢著師子皮自以爲師
 子有人遠見亦謂師子驢未鳴時無能分別旣出聲
 已遠近皆知非實師子諸人見者皆悉唾言此弊惡
 驢非師子也我今所說亦如是等若造十惡燒滅人
 種非諸聲聞辟支佛器敗壞種子如是愚癡詭惑他

言我是大乘善男子譬如有人而無手足欲至戰陣
 無所堪施破戒之人亦復如是欲與結使煩惱戰鬪
 我說是人終無果報毀犯禁戒作惡行者於一切處
 不成法器若自說言我是大乘能破一切衆生煩惱
 塵勞大陣亦爲衆生住入正道入無畏城則無是處
 何以故若有衆生成威儀清淨慚愧具足畏於後世遠
 離一切不善等法喜樂一切諸善功德而於衆生起
 大悲心亦能濟度一切苦厄救護生死諸怖畏者不
 著巴樂慶於彼樂常勤精進專念不捨心樂寂定捨
 於誦僞邪惑欺誑善知業知業果報不著五欲世間

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

佛說大摩訶般若經

卷

唐

八苦法所不能染樂觀陰界如救頭然如救衣然安住聲聞種有如是相名聲聞乘則於大乘所不堪任辟支佛乘復有何相若人具上二十法者則能常觀五受陰生滅等相明觀諸法皆因緣生亦知滅相如是之人不任大乘不能成於大乘法器爾時如來以是義故而說偈言

刹利依止十 婆羅門首陀若修真善行
 堪爲聲聞器 辟支佛勝乘三業悉清淨
 守護於諸根 所說好柔軟 分別觀諸陰
 界入亦復然 樂獨空閑處 善慧觀因緣

常攝於諸根 依止是十輪 於諸無壞乘
 堪任爲法器 念度於有海 等行於三輪
 不依於結使 而近解脫門 不任大乘器
 不具大勝輪 不勤求大乘 幷諸下根者
 若有愚癡人 心常懷懈怠 是故非大乘
 亦不堪大器 獨一求解脫 癡詣無愍行
 常行於斷見 彼亦趣惡道 棄捨於正法
 而說於非法 遮斷三乘道 捨律欲愛具
 懈壞賢聖法 打擲袈裟者 毀訾而誹謗
 亦自壞其身 爲欲修人身 不舌噤而死

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

常值諸佛者 顯示三乘法 欲熾然三乘
 及與分別者 歡喜而顯示 必成佛無疑
 破戒而嫉妒 自讚復毀他 是智者所棄
 得佛三界尊 以悲心說法 隨心之所樂
 具分別三乘 必成佛無疑 說法如虛空
 而心無所依 陰界入皆空 必成佛無疑
 很戾喜破戒 若聞讚大乘 詐稱爲菩薩
 驢被師子皮 我今爲衆說 欲得勝菩提
 護持於十善 莫壞於我法 我於餘經說
 行第一菩提 離聲聞緣覺 爲淨衆生說

曾供億諸佛 滅惡心解脫 我從彼所聞
 但一無二乘 此衆說三乘 有住聲聞者
 心惱多造作 不任道器故 有住於緣覺
 愚闇於勝法 不任上乘器 隨所欲而說
 頭陀聞解脫 當墮於惡道 冷陰而服乳
 終不能差病 如是聲聞器 狂心說斷見
 是故先觀察 然後應說法

爾時世尊說是偈已於大衆中無量百千人民多有空亂意衆生斷於善根說無因果趣向惡道若得正見在世尊前能至心懺悔而白佛言我於如來正法

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

之中久修聲聞植諸善根而不能成聲聞法器方復更求辟支佛乘愚惑不了更起斷見獲無量罪我等今悉於世尊前誠心懺悔惟願哀愍受我等懺悔拔除罪根不受惡報還修善根求聲聞乘佛言善哉善哉善男子汝等若能發露誠心懺悔於我法中說有二種得無所犯一者本不作惡二者作已能悔是二種人俱獲清淨爾時世尊爲無量百千衆生隨順其心說四諦法有得法忍有得世間第一法有得須陀洹果有得斯陀含果有得阿那含果復有八萬四千比丘不受諸法漏盡意解得阿羅漢爾時衆會復有

七十五那由他百千人等墮於斷見斷諸善根應趣惡道者還得正見悉於佛前自歸發露誠心懺悔作如是言我等本種辟支佛因緣而不能成今聞大乘心生愛樂我等愚闇便起斷見言無因果以是因緣造作無量身口意業諸餘惡業以是義故於多劫中常墮惡道受無量苦今於佛前皆悉發露至心懺悔不敢覆藏爲欲滿足緣覺乘故隨彼意說得光明三昧逮不退轉辟支佛乘時彼衆中復有八十那由他百千衆生舌不能語皆於過去誹謗無量恒沙諸佛所說正法乃至誹謗一句一偈以是罪業不能懺悔

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

佛神力故令使今日皆悉能言爾時世尊知而故問汝等宿世作何惡業於此會中口不能語彼卽答言我於過去毗鉢尸佛法中誹謗大乘或有說言謗聲聞乘或有說言謗辟支佛乘以是業障罪報因緣於九十一劫墜墮生死常處地獄及受餓鬼舌不能語受大苦惱始於今日得復入身蒙佛神力始今得語佛神力故得宿命智能知過去一切所作惡業因緣有說尸棄佛隨棄佛拘樓秦佛拘那含牟尼佛迦葉佛所誹謗正法乃至一句一偈以佛神力悉知過去所作惡行一切業障皆悉明了爾時衆會無量百千

聲聞無量百千菩薩摩訶薩從座而起自歸向佛發露懺悔我等皆於過去無量諸佛法中若任法器及不任者諸聲聞衆多起譏呵自舉輕他誹謗毀罵揚惡過善以是業障墮三惡道具受苦痛雖復供養過去諸佛及大菩薩摩訶薩衆乃至懺悔受持禁戒得聞佛法自學教他但以誹謗餘業障故不能得趣寂滅涅槃及禪定樂如是罪緣今向世尊自歸發露至心懺悔復有說言我等於諸如來聲聞弟子奪其財業及諸飲食或繫牢獄以是業故墮三惡道受大重苦我等雖於過去諸佛世尊及大菩薩前發露懺悔

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

受持讀誦種種禁戒但以餘罪業障因緣不能得向寂滅涅槃及禪定樂今於佛前皆悉懺悔一切餘業無量罪障惟願世尊受我等懺拔除一切三惡道苦自今以後願佛神力令我所樂隨意無礙得於涅槃及禪定樂爾時世尊告諸聲聞及大菩薩此是五逆餘罪業障但有名字無有實法皆由惱亂聲聞弟子能生大罪何以故破毀禁戒諸惡比丘猶能爲諸無量百千那由他人而作珍寶之大伏藏況持淨戒熾然三寶者而起擾亂是卽名爲斷三寶種成就惡業亦名壞於一切衆生法眼毀佛正法若見有人依我

出家而擾亂者如是業障過諸逆罪我今當以悲心哀愍汝等如是業障悉聽懺悔永盡無餘於賢劫中千佛出世汝於其所亦悉懺悔終不復起誹謗正法其最後佛號曰樓至如來應供至真等正覺汝亦於彼皆悉發露一切業障永盡消滅時諸菩薩及大聲聞俱共白佛唯然世尊如教修行我等於賢劫中當墮三惡及阿鼻獄受種種苦猶能堪忍況復於彼樓至如來令我懺悔使得正見解諸邪見業障衆罪皆悉消除爾時如來讚諸聲聞及大菩薩善哉善哉汝等能以如是勇猛精進令本惡業皆悉消滅能生信

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

解第一恭敬值遇諸佛得諸三昧棄捨結漏得阿羅漢爾時世尊告金剛藏菩薩摩訶薩善男子我以佛眼皆悉觀見無量阿僧祇百千那由他衆生刹利旃陀羅乃至男女旃陀羅於未來世少種善根而得人身爲惡知識之所破壞於甚深法不生信樂多起謗毀於熾然法具足聲聞辟支佛乘者或有遮斷大乘者於我聲聞弟子成器不成器者如上所說以愚癡故自謂爲智於此終沒無數百千劫於地獄中受無量苦如先所說此諸人等難得人身寧受阿鼻地獄諸大重罪終不受是謗法人身何以故隨順惡知識

憍慢自恣常作如是諸惡業者終不得度生死彼岸四流所漂受大苦惱當於爾時有大智者而爲涕淚作如是言視諸衆生難得人身遠離信心及大誓願離於心相離於正見離於善知識離於時節離於方所離於持戒禪定智慧如是衆生以愚癡故憍慢自恣有如是相毀壞佛法悉如上說世尊我從今日亦於佛前而發誓願我等雖處生死不壞正法願於未來世諸佛法中不斷三寶爾時復有大士聰明智慧從座而起合掌叉手而發誓言我等雖在生死不得法忍已來於其中間願莫受身莫作輔相大臣乃至

令長村邑聚落等主不作國師軍幢將帥長宿之處
不作祠祀主佔客商人處不作居士處不作庶人處
不作斷事處若不得法忍不於衆生居自在處若作
是等則於佛法名重因緣必當墮於阿鼻地獄一切
大衆天龍夜叉乾闥婆阿修羅迦樓羅緊那羅摩睺
羅伽人非人等皆悉泣淚而白佛言世尊我等本處
生死所作惡業若身業若口業若意業多所造作或
復隨喜今於佛前皆悉發露懺悔除滅更不敢作如
是第二第三亦復如是不於生死隨惡知識亦願我
身不造惡業悉如上說爾時世尊告諸大衆善哉善
哉善男子汝能如是畏於後世欲度生死諸有流苦
欲入無畏大涅槃城發此誓已善男子具足十法則
得成就無著法忍善男子菩薩摩訶薩不著內身不
著外身不著内外身不著過去未來現在身是名菩
薩初得成就無餘法忍復次不著內身受不著外身
受不著內外身受不著過去未來現在身受乃至不
著想行不著內識不著外識不著內外識不著過去
未來現在識不著前世不著今世不著後世不著色
界不著無色界是名菩薩摩訶薩成就十法得無著
忍若能如是於如來所說法是時七十二那由他百

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

千菩薩得無生忍入萬四千那由他菩薩皆得順忍無量那由他百千聲聞斷諸結漏得阿羅漢無量那由他百千衆生未發菩提心者今皆發心復有無量衆生亦得發於辟支佛心爾時世尊告金剛藏菩薩若有衆生成就法忍者應得灌頂轉輪聖王所有飲食無量財業其餘衆生不得法忍者亦不能得灌頂轉輪王位金剛藏菩薩白佛言世尊爲灌頂刹利王不得法忍者云何而得飲食財業佛言灌頂王雖不得法忍能成就十善者我亦聽作國主飲食財業任意自在善男子灌頂刹利王若不得法忍又不具足

修行十善名爲刹利旃陀羅如是愚癡當破甚深熾然佛法斷三寶種而便擾亂聲聞弟子亦作無量種謫罰奪其財物基業誹謗善法而心覆藏不令顯現或奪塔物僧祇物如是之人皆悉趣向阿鼻地獄金剛藏菩薩白佛言世尊若灌頂刹利王不得法忍復不具足修行十善必當不得免斯惡耶佛言假使灌頂刹利王不得法忍而復不修十善道者能成就信力歸依三寶不謗正法乃至一句一偈亦不擾惱聲聞弟子持戒清淨有德之者不取佛物僧祇物若見有人擾亂如此比丘而復奪於佛物僧祇物者能

1 2 3 4 5 6 7 8 9 20 1 2 3 4 5 6 7 8 9 21 1 2 3 4 5 6 7 8 9 22

爲遮制令無侵毀數數聽受順於實法於三寶中常應供養親近是人清淨比丘得堅固願於摩訶衍心無疑惑亦能成就大乘衆生建立正法信大乘者如是灌頂刹利王者已於宿世諸如來所得其城邑資生財物我亦知之不墮惡道若欲永滅一切惡者應當修行如是正法於過去世所作惡業悉得除盡

佛說大方廣十輪經卷第六

佛說大方廣十輪經卷第七

失譯師名今附北涼錄

遠離譏嫌品第九

爾時今剛藏菩薩復白佛言世尊云何菩薩摩訶薩於聲聞乘辟支佛乘不生譏嫌於諸菩薩亦無譏嫌云何於如來聲聞衆中成器不成器得無譏嫌於大乘道常善修行云何得利智一切三昧諸陀羅尼及諸地忍云何得昇進不退轉法云何常得善知識云何常得不離佛法供養衆僧及諸菩薩云何於善根不生厭足云何於菩薩行願得無厭足爾時世尊告

12345678920123456789210123456789220

金剛藏菩薩言善男子菩薩摩訶薩有十種輪若有成就如是輪者則於聲聞辟支佛乘無所譏嫌乃至於菩薩乘亦無譏嫌若於如來聲聞衆中成器不成器者悉無譏嫌常得昇進不退法輪而於大乘亦得增長無所闕失常得禪定諸陀羅尼及諸地忍不離佛法供養衆僧及諸菩薩求於善根悉無厭足得堅固精進發無量行願過去所作一切惡業皆以賢聖金剛地智令使永盡悉得究竟一切現在所有惡業皆使無餘更不復作能速成就無上法輪七覺意寶而無厭足能除一切衆生結使人所依止善男子譬如轉輪聖王若欲行時寶輪最在其前其餘諸寶皆悉隨後能滅一切諸四天下衆生濁惡亦令四天下一切人民身意受樂菩薩摩訶薩亦復如是若成就十輪於聲聞乘無所譏嫌乃至一切衆生亦依止而存善男子譬如大車具足四輪多人依止乘於正路邊有塊石衆草乃至根莖蘚果爲輪所踐皆悉消滅如是菩薩摩訶薩爲諸衆生若有障法一切罪業輒斷消滅令不受報善男子譬如劍輪悉能斬截怨敵等首既斷支節手足更不任用菩薩摩訶薩若能成就如是十輪一切六趣欲界諸惡皆悉斷除令盡無

如轉輪聖王若欲行時寶輪最在其前其餘諸寶皆悉隨後能滅一切諸四天下衆生濁惡亦令四天下一切人民身意受樂菩薩摩訶薩亦復如是若成就十輪於聲聞乘無所譏嫌乃至一切衆生亦依止而存善男子譬如大車具足四輪多人依止乘於正路邊有塊石衆草乃至根莖蘚果爲輪所踐皆悉消滅如是菩薩摩訶薩爲諸衆生若有障法一切罪業輒斷消滅令不受報善男子譬如劍輪悉能斬截怨敵等首既斷支節手足更不任用菩薩摩訶薩若能成就如是十輪一切六趣欲界諸惡皆悉斷除令盡無

1 2 3 4 5 6 7 8 9 20 1 2 3 4 5 6 7 8 9 21 1 2 3 4 5 6 7 8 9 22

餘不復受報善男子譬如五日出時一切四天下大地所有水處無不乾竭如是菩薩成就十輪能爲衆生除諸業障及障法等罪衆苦根本一切消滅譬如風災起時四方大風一時俱起能吹一切大山諸山皆爲微塵如是菩薩摩訶薩能成就十輪爲諸衆生同共依止令四倒山結使諸業障法重罪滅苦根本令得無餘善男子譬如師子王若欲吼時一切畜生諸衆生等皆悉怖畏如是菩薩摩訶薩亦復如是乃至外道及諸異學惡知識等皆令驚畏忘失言辯善男子譬如釋提桓因以軍圍遶手執金剛杵破壞阿

修羅如是菩薩摩訶薩成就十輪者一切倒見外道之屬惡知識等皆悉壞滅善男子譬如如意寶珠著高幢上雨種種寶如是菩薩摩訶薩成就十種輪者能持戒幢雨衆法雨以施一切無量衆生善男子譬如夜闇明月出現滅一切闇若有一切迷失道者令得正道如是菩薩摩訶薩成就十輪者無明黑闇如此衆生失八正道亦爲衆生說種種法令其照明盡諸苦際示入正道善男子譬如日初出時一切穀米皆悉增長諸華開敷及諸藥穀盡得成熟雪山消流諸河充溢以漸次第滿於大海如是菩薩摩訶薩成

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

就十輪者但調伏戒慈悲炙暖故爲諸衆生說無量法能生善根種種孽果一切結使業報惡行及邪見山悉得消滅乃至究竟證於涅槃一切妙果無不悉得信戒施聞慧無量三昧如是次第猶如大河以漸滿足以漸滿故能令衆生入於無畏涅槃之城善男子云何名菩薩摩訶薩十種輪者所謂十善是也菩薩成就此十輪故乃能成熟一切衆生菩薩以離殺生故能令一切衆生無驚無怖無有一切憂悲苦惱善根成熟具足果報若於前際流轉六趣沒生死河以如是等不殺生因緣先世所作身口意等惡業諸

一切煩惱能令衆生障於正法自作教他作乃至見作隨喜受持如是不殺輪故皆悉輾壞一切惡業障礙罪報令無有餘亦以不殺因緣能令一切諸天人等皆生愛樂無有疑悔壽命得長臨欲終時所愛妻子及諸眷屬悉皆圍遶身不受苦乃至神逝所往之處終不見閻羅王及諸獄卒若臨死時遇善知識清淨持戒心樂福田捨此身已得生人中諸根聰利復值善知識清淨持戒常樂福田斷除諸惡而求一切大菩薩行人深智海逮得菩提其所生處常離刀杖諸惡國土壽命長遠自在淨國離諸驚怖如彼佛

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

經

佛說大方廣一乘經卷一

四

唐

壽無量無邊亦復能作如是壽命爲諸衆生說法教化乃至佛涅槃後令法久住善男子是名菩薩摩訶薩最初輪也菩薩若成就此輪於聲聞乘辟支佛乘無所闕失於一切如來聲聞弟子亦無闕失不退大乘一切三昧諸陀羅尼及諸忍等到於一切自在之地常隨善知識佛及菩薩得聞正法供養衆僧植諸善根恒無厭足修諸菩薩一切行願亦無厭足何以故過去諸佛於此十惡皆悉遠離於一一惡不善業等亦不讚歎以是故善男子於此十善若能守一善業以如是相所獲果報亦如前說復次善男子菩薩

摩訶薩修行不盜能施一切衆生無驚無怖無畏亦無愁惱已所有物如法飲食資身財業恒求一切如法利益無非法欲以此善根行業果報假使曾於六趣流轉沒生死河以不盜力故身口意業所作衆罪能障正法乃至財業等障自作敎他見作隨喜以不盜輪皆悉輾除令無有餘亦令人天一切愛樂而無疑悔乃至臨命終時妻子眷屬一切圍遶身不受苦若命終後神逝所往不見閻羅王及諸獄卒恒遇所愛諸善知識持戒清淨心樂福田乃至能離一切惡法成就一切無量善法隨所生處得大財業有財業

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

已能離怖畏而悉不與水火賊共乃至到於菩提悉得衆寶嚴飾佛國寶樹具足無我我所無取無著成就一切衆生行業無我所無所受無壽命無衆生而悉調伏於彼佛國善男子是名菩薩摩訶薩第二輪也若菩薩成就此輪於聲聞辟支佛乘悉無闕失乃至如來聲聞弟子亦無譏嫌而自於彼摩訶衍乘無有狀足悉得一切諸三昧門及陀羅尼忍地亦不捨於一切誓願復次善男子菩薩摩訶薩終身遠離邪婬一切衆生皆爲欲流之所沉沒而能施於無畏無嫉無熱惱害於己妻色恒生知足無非法欲以是善

根果報力故若有宿世邪婬果報六趣生死流轉諸有自作敎他見作隨喜而令悉離諸邪婬輪輾斷惡業令無有餘乃至成菩提道生於淨國無女人處第一清淨彼諸衆生皆悉化生不從父母和合受身善男子是名菩薩摩訶薩第三輪也菩薩摩訶薩成就此輪乃至不捨一切願行復次善男子菩薩摩訶薩盡其形壽離諸妄語常隨順語以是因緣人天歡喜乃至逮得菩提不詭衆生而生其國所言真實無有虛偽是名菩薩摩訶薩第四輪也若菩薩成就此輪乃至常求一切菩薩願行而無厭足終不暫捨復次

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

善男子菩薩摩訶薩於終身中常離兩舌乃至以此善根至成菩提調伏衆生修六和敬來生其國皆共一心互相恭敬而無違失修質直法善男子是名菩薩摩訶薩第五輪也菩薩摩訶薩成就此輪乃至常求菩薩行願無有厭足終不暫捨復次善男子菩薩摩訶薩遠離惡口乃至成就菩提耳終不聞不適意事常生佛國恒聞種種柔軟人聲及音樂聲聞諸法聲周徧佛國志念成就梵音清徹如是衆生來生其國善男子是名菩薩摩訶薩第六輪也若有菩薩成就此輪從初發心乃至成佛恒求菩薩一切行願而

無厭足終不捨離復次善男子菩薩摩訶薩於其終身遠離綺語乃至菩提常於佛國聞諸菩薩摩訶薩百千法音周徧佛國而恒遠離一切綺語成就無量善語法語如是衆生來生其國善男子是名菩薩摩訶薩第七輪也若菩薩成就此輪乃至菩提常求菩薩一切行願而無厭足終不暫捨復次善男子菩薩摩訶薩於其終身遠離貪欲乃至菩提常生淨國地平如掌衆寶充滿亦以寶樹而嚴飾之復有若干種無價寶衣瓔珞幢旛金繩珠瓔於彼世界種種莊嚴羅網寶樹彼中衆生遠離憍慢我心貢高顏貌端嚴

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

諸根具足其心平等如是衆生來生其國善男子是名菩薩摩訶薩第八輪也若菩薩能成就此輪乃至菩提恒求菩薩一切行願而無厭足終不暫捨復次善男子菩薩摩訶薩於其終身遠離瞋恚乃至菩提悉除一切垢惱穢濁塵雲暴風於彼淨國無諸濁惡斷除憍慢生彼國已形色端正相好第一諸根不缺禪定慈悲以自嚴飾如是衆生來生其國善男子是名菩薩摩訶薩第九輪也若菩薩成就是輪乃至菩提恒求菩薩所作願行而無厭足終不暫捨復次善男子菩薩摩訶薩於其終身遠離邪見復能以此離

邪見輪令諸人天一切愛樂若有衆生流轉六趣沒生死河如是人等起身口意一切業障及煩惱障而障正法自作殺他見作隨喜以此離邪見輪輾斷業結令滅無餘妻子眷屬圍遙左右臨命終時身不受苦神逝所往亦終不見閻羅王等及諸獄卒隨善知識持戒清淨心樂福田恒生正信命終之後得生人中亦與善知識及諸持戒福田之人而相遭遇還相依止令得正見爲善知識之所教授修習善法恒離一切不善等惡於諸善根皆悉成就一切菩薩所行之道無不修習以是因緣能度一切衆生入摩訶衍

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

佛說增廣轉輪經卷一

唐

正法大海乃至得菩提道離一切疑網及諸苦相當
見斷見離我我所見如此衆生來生其國壽命無量
悉同法味皆是大乘棄捨聲聞辟支佛及諸天魔一
切外道并魔眷屬皆悉已離如是等惡來生其國彼
佛壽命無量無邊恒於其中而作佛事般涅槃後令
法久住無所損減而更熾然皆悉一味善男子是名
菩薩第十輪也若菩薩摩訶薩成就此輪於聲聞乘
辟支佛乘不生譏嫌及二乘人亦無譏嫌乃至大乘
亦復如是於大乘人能令增廣熾然三寶於諸如來
聲聞弟子成器及不成器者亦無譏嫌而能莊嚴摩

訶衍道一切三昧諸陀羅尼乃至忍地恒善修學證
勝進法不離諸佛及大菩薩善知識等聽法信受樂
供養衆心無厭足求諸善根終不暫捨菩薩所行六
波羅蜜亦無厭足善男子若能成就如是十輪者菩
薩摩訶薩疾成無上正真道覺何以故過去諸佛修
行十善離一切惡能現如是種種果報因緣無量相
貌具菩提道悉斷一切煩惱結使盡竭三惡皆使無
餘是故能令紹三寶種久住於世常得熾然使不復
受三有之身向於涅槃爲斷陰入界等入無畏城以
此遠離十惡因緣具足果報如上所說以是義故善

經

佛說增廣轉輪經卷一

唐

男子若於此十善不修一者求於佛道而復自言我是大乘皆應當得無上菩提如此之人是大妄語多行詭曲種種欺誑於諸佛所能斷一切衆生善根趣向三惡是故善男子具足十善刹利大姓婆羅門大家四天王天乃至非想非非想天聲聞乘辟支佛乘修行如是十善功德悉能具足阿耨多羅三藐三菩提故善男子以此十善而自莊嚴求無上果修學大乘疾成佛道者此則安立一切功德善根處所若能守護十善便於善根誓願滿足成無上道爾時世尊欲重宣此義而說偈言

以十輪覺悟	欲離一切苦	不應譏聲聞
惱著袈裟者	隨順緣覺乘	信心勤精進
安樂諸衆生	而受行大乘	一切諸緣覺
覺了最勝法	淨修於佛道	速證得菩提
遠離於殺生	人天皆愛念	生生得長壽
善修無害業	一切所生處	常樂於佛法
親覲世尊者	速證得菩提	若離於偷盜
一切智所敬	悉滅諸慳貪	守護不盜戒
生處常大富	爲他作施主	而得嚴淨國
以衆寶莊嚴	滅除煩惱穢	乾竭於愛欲

1 2 3 4 5 6 7 8 9 20 1 2 3 4 5 6 7 8 9 20

經

傳言子大摩車系卷一

唐

能遠離邪姪 速得清淨國 永離欲淤泥
解脫淨衆生 令入於大乘 由離邪姪故
欲得聖智者 讚歎於實語 奉捨諸妄語
悉滅於苦惱 究竟得實語 常值於諸佛
速疾成菩提 遠離妄語故 堪任爲善器
而遠離兩舌 常與諸佛會 永捨於諸見
得聖無染著 遣總持辯才 能知深法海
不久得菩提 常說柔軟語 遠離於惡口
衆生所愛樂 能滅先世業 令衆生歡悅
菩薩之法將 悉知諸佛行 得入第十地

智者所愛敬 遠離於綺語 具足五功德
所說皆覺了 欲聞尊賢教 及與求聖道
供養諸佛海 速得一切智 一心除貪嫉
不壞於正法 供養染衣者 煙然三乘道
常生清淨國 法將之住處 於彼獲妙智
第一無上乘 常行於慈心 遠離諸瞋恚
速疾得禪定 志樂賢聖行 生於清淨國
遠離一切過 隨佛所住處 永離一切瞋
專一修純信 遠離諸邪見 顯示三乘道
是名法供養 免離於惡趣 解脫值賢聖

具足菩薩行 逮得最上智 安住而說法
能成於菩提 三昧總持忍 皆由十善故
具足輪威德 悉輒除惡趣 盡滅業結障
疾成正法將

布施品第十

復次善男子若成就十輪菩薩摩訶薩從初發心一切五欲皆悉捨離勝於一切聲聞辟支佛人亦能爲彼二乘而作福田何等爲十常行布施所謂飲食衣服象馬輦輿乃至已身手足頭目髓腦耳鼻皮骨血肉一一皆捨若行施時不著軀命亦不爲已求世間

出世間樂恒念度脫一切衆生修大慈悲巧方便智如是心施於諸衆生爲令一切皆得安樂故施爲滅一切衆生結使故施不受後有故施不麤心故施無嫉妬故施乃至最下乞人亦如是施不爲受報故施不求聲聞辟支佛故施求一切種智故施乃至一人亦常如是修行於施是名菩薩摩訶薩心施成就初輪莊嚴法施如是菩薩從初發心能爲一切聲聞辟支佛作大福田應當守護恭敬供養何以故一切聲聞辟支佛爲斷已身三惡趣貧但自饒益而不爲他修行布施菩薩摩訶薩爲斷一切衆生苦惱以大慈

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

悲哀愍心施是故能爲聲聞辟支佛而作福田不爲於已而求果報惟爲最上第一樂故常行於施終不染著人天生死五欲樂故修行於施而爲利益一切衆生不念自身所受善惡修行於施爲斷一切衆生苦報修行於施菩薩能如是行檀波羅蜜故堪任爲聲聞辟支佛福田若不染著世間五欲而爲具足大慈大悲能如是施名爲菩薩摩訶薩亦名聲聞辟支佛福田假設修行無量布施若不斷於世間五欲不名爲施亦不名菩薩不能與聲聞辟支佛作大福田不爲賢聖所印是故應斷五欲無染著施若染五欲則不名菩薩亦非福田如斯施者不能滅於煩惱少分何況能除一切結習爾時世尊欲重宣此義而說偈言

成就於施輪 智者清淨心 盡離於五欲
令衆得妙樂 乃至施少分 皆爲除衆苦
不令受少果 應獲上福田 雖復種種施
而不離五欲 此施非聖印 不墮決定聚
捨欲而行施 施微而報重 聲聞辟支佛
俱以爲福田 是故應離欲 常爲清淨施
安樂諸衆生 是名真福田

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

復次善男子菩薩摩訶薩有十種法施輪若能成就十種法施輪者速疾得日光三昧能爲一切聲聞辟支佛作大福田何等爲十所謂依止佛法依止聲聞法依止辟支佛法依止摩訶衍法依止世間出世間法依止有漏無漏法尊重恭敬一切聽受隨順受持爲他廣說若爲聲聞人說應四諦法究竟涅槃而無嫉妒憍慢之心不爲利養一切名稱亦不自舉亦不輕他恒爲一切發大慈悲分別演說不爲說辟支佛法及與大乘若爲辟支佛人說應十二因緣法離老病死得盡苦際都不爲說聲聞小乘菩薩等法若爲

大乘人說應六波羅蜜具足諸行證無上道亦不爲說聲聞辟支佛法但隨諸衆生所應修行而爲說之於諸如來所演言教乃至一句一偈恭敬尊重終不誹謗亦不隱沒而作障礙於說法人作世尊想於聽法者作病人想於正法中作妙藥想棄捨五欲爲欲說法心常平等而不取相善男子是名菩薩摩訶薩十種法施輪也若菩薩成就如是十種法施輪者便速疾得日光三昧能爲一切聲聞辟支佛作大福田常爲一切守護供養爾時世尊欲重宣此義而說偈

言

經

佛說大寶論卷之二

直

唐

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

經

佛說分身車船卷一

正

周

智者修法施 演說於三乘 不堪法器者
終不令謗法 聲聞及緣覺 多人而修習
辟支佛利智 教令入大乘 但爲成法器
非法不妄說 隨諸根利鈍 漸教令昇進
於法常恭敬 信受不誹謗 有能說法者
供養如世尊 聽法諸衆生 令滅於煩惱
不貪著名譽 利養而說法

持戒品第十一

最勝爲大福田皆應供養而守護之何等爲菩薩摩訶薩莊嚴戒輪善男子菩薩摩訶薩有能出家受其具足成就波羅提木叉而不與聲聞辟支佛共若菩薩不以此戒能爲衆生除諸煩惱一切邪見是則不名爲摩訶薩亦不名爲聲聞辟支佛大福田也善男子若菩薩摩訶薩於一切衆生心常平等護持淨戒志念堅固而不退轉心恒專一不生異想若見持戒破戒慳貪布施上中下等有若干種無量衆生瞋恚害行住坐臥於三有中陰入諸界而無分別如是持戒不著欲界持戒不著色無色界持戒不分別觀

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

佛說分身車輪經

三

周

察有想持戒不爲到不到故持戒善男子菩薩摩訶薩以如是相貌發大莊嚴清淨戒輪從初發心常離五欲如是菩薩摩訶薩則能爲一切聲聞辟支佛作大福田亦爲衆生守護供養爾時世尊欲重宣此義而說偈言

優婆塞律儀 住於解脫戒 雖與三乘共
不名摩訶薩 若修於空法 不依於世間
亦不依諸有 智者護淨戒 不取於戒相
清淨離諸漏 如是護戒者 最勝之福田

忍辱品第十二

復次善男子云何名菩薩摩訶薩發大莊嚴具足忍輪若菩薩成就此輪者從初發意能除五欲堪爲聲聞辟支佛作大福田亦爲衆生尊重恭敬供養守護善男子菩薩摩訶薩忍辱有二種一者世間二者出世間又菩薩有漏忍者則受諸有亦不能無衆生之相依止果報依止功德亦名住色聲香味觸忍亦名羸劣忍無所堪忍非愍念衆生而修行忍但是詔曲悅彼故忍不爲安樂衆生故忍如是忍者則與聲聞辟支佛同非大莊嚴亦非菩薩但有假名如是菩薩終不堪任爲諸聲聞辟支佛作大福田是名菩薩世

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

間忍輪云何名菩薩以大莊嚴出世間忍爲諸衆生故修行於忍而不染著若於一切所作事務言語相貌音聲名字聖所住處皆悉隨順而不捨於三結三受三相三世三有三業如是等事悉不依止心恒寂滅而修行忍是名菩薩出世間忍輪善男子菩薩摩訶薩成就如是大莊嚴忍輪從初發心常離五欲是諸菩薩摩訶薩能爲聲聞辟支佛作大福田爲一切衆生守護供養爾時世尊欲重宣此義而說偈言此忍說二種 有相及無相 有相修行忍智者所不貴 有相說三業 卽依於忍聚

是名有漏忍	非是大人相	於四顛倒中
修於無著忍	寂滅於三業	是忍爲最勝
滅於一切行	不依相無相	心猶如虛空
是忍爲最勝	衆生皆一相	諸相空寂滅
心無有所著	是忍最大利	

佛說大方廣十輪經卷第七

1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

經

佛說大方廣十輪經卷第八

二

佛說大方廣十輪經卷第八

失譯師名今附北涼錄

精進相品第十三

復次善男子菩薩摩訶薩成就大莊嚴精進輪從初發心離五欲者能爲聲聞辟支佛而作福田亦爲一切守護供養善男子菩薩摩訶薩精進有二種一者世間二者出世間世間精進復有三種一者修福精進二者勇猛精進施戒禪定三者緣於有漏及諸眾生依於果報福行住處是名世間精進則非摩訶薩也復次菩薩摩訶薩於一切衆生心常平等但爲除

經

二

佛說大方廣十輪經卷第八

二

唐八

滅煩惱業結而勤精進於聖無漏無取無捨亦無依止無雜穢心無亂想持戒破戒精進懈怠布施慳貪濁心慈心如是一切皆悉平等而行精進不於三界起種種想於諸衆生若聞言語造業處所於陰界入無所取想而修精進不依欲界不著色界及無色界不生到不到想而修精進不著一切行不依三種福而勤精進菩薩摩訖薩成就如是大莊嚴輪從初發意離於五欲名爲摩訖薩亦復堪與聲聞辟支佛作大福田爲諸衆生守護供養爾時世尊欲重宣此義而說偈言

染著六情根 愚闇於四流 精進常勇猛
 智者所譏嫌 境界處精進 善取於有漏
 不名爲福田 亦非摩訖薩 智者勤精進
 除滅一切著 心無所依止 是名爲福田
 不著於名色 爲衆作歸依 勇施離諸陰
 是名爲福田 照了於愚闇 超度到彼岸
 如是精進輪 斷衆煩惱縛

禪相品第十四

復次善男子菩薩摩訖薩有大莊嚴禪定輪若菩薩成就此輪從初發意斷除五欲是則堪爲聲聞辟支

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

佛福田一切衆生守護供養善男子菩薩摩訶薩修禪有二一者世間二者出世間云何名世間禪若菩薩依於陰相染著欲界色界無色界修禪依止三解脫四念處四正勤四如意足五根五力七覺分八聖道分乃至地水火風空識等皆悉依止而生染著如是修禪是名菩薩修世間禪亦與一切聲聞辟支佛共不得名爲摩訶薩也云何名出世間禪善男子所謂菩薩能出世間放大光明不著四念處四正勤四如意足五根五力七覺分八聖道分如是等法皆無依止而修於禪乃至身口意戒三解脫門陰界諸入說偈言

三受四大空處識處不用處非想非非想處今世後世悉離空靜不依止空大空是名菩薩摩訶薩出世間禪善男子以如是相故菩薩摩訶薩則能成就大莊嚴禪定輪從初發意離於五欲堪爲聲聞辟支佛福田亦爲一切守護供養爾時世尊欲重宣此義而說偈言

爲捨重擔故 修於有相禪 但斷於已結
不名爲智者 染著而修禪 依止於解脫
取著於彼岸 不能利衆生 若爲棄重擔
欲利諸衆生 減結修諸禪 是名真智者

若斷於有愛 爲利諸衆生 修於無相禪
是名摩訶薩 斷除衆生縛 令世間無畏
寂滅而修禪 是名摩訶薩

智相品第十五

復次善男子菩薩摩訶薩有大莊嚴智輪若能成就如是大莊嚴智輪從初發意離於五欲則能堪爲聲聞辟支佛而作福田亦爲一切守護供養善男子菩薩摩訶薩有二種智一者世間二者出世間云何名世間智所謂菩薩依止讀誦欲滅一切衆生愚闇作大照明如來所說種種無量於聲聞乘皆悉聽受自書使人書自讀誦亦教人讀誦若說辟支佛法及大乘法皆悉隨順一切信受若自讀誦教人讀誦自書亦教人書能爲衆生廣說分別顯示其義讀誦經法求諸無漏八聖道分解脫之味而不求於寂滅智慧常有存相取著之心是名菩薩世間智輪亦與聲聞辟支佛等無有異也不可名爲菩薩摩訶薩云何名出世間智輪菩薩摩訶薩修道之時隨其精進行住誦習而於彼相不取不著不念不思惟如是行類則非下劣心如虛空同於寂滅觀法平等都無所著亦無所繫無生無滅心無退轉常行平等諸法實際深

入寂滅得無生忍不取諸相心無增減不依諸地亦不住智慧菩薩若得如是具足智者是名菩薩出世間智有此行類則能成就大莊嚴智輪從初發意不染五欲亦能堪爲聲聞辟支佛福田一切衆生守護供養復次善男子菩薩摩訶薩有大莊嚴輪若菩薩成就如此大莊嚴輪者從初發心斷除五欲堪爲聲聞辟支佛作大福田亦爲一切守護供養善男子菩薩方便復有二種一者世間二者出世間云何名菩薩世間方便自爲及人常懷彼此種種技藝而成就衆生能現如是若干種身或現佛身或現辟支佛身或現聲聞身或現父母身隨所應見而爲現形若有病人及看病者瞻視羸劣無有能救一切怖畏乃至應死悉以方便救令解脫常行四攝成就衆生住於大乘若聲聞辟支佛人有不堪任爲大乘器根不熟者卽於二乘法中令使修習如是甚深微妙之法開示顯現第一義諦超過凡夫顛倒境界依於四依具四辯才四念處四正勤四如意足五根五力七覺分八聖道分住善取道入方便智道成熟衆生若諸衆生有爲名稱染著利養諸根動搖而不成就涅槃善根如是等人敎令習誦如來所說聲聞辟支佛乘成

熟雜施功德教令勸助若有衆生多起瞋恚其心甚惡而無哀愍教令修行四無量心而得成熟若見懈怠如是衆生教令精進多瞋衆生教行忍辱散心衆生教令禪定愚癡衆生爲說正法令修智慧教化成就若有衆生無所依止心無恭敬教令開示歸依三寶有如是等教使修習優婆塞戒亦教入戒齋法或有衆生以種種技術著作務處教化成就如是等輩恒沙菩薩有世間方便智菩薩摩訶薩成就如此方便智輪以諸經論作務技術摧伏一切外道異學苦行智輪是名菩薩摩訶薩成就世間方便智與一切

聲聞辟支佛共善男子若有菩薩不依明師亦不依止善知識以是行類相貌染著世間而自迷惑如是菩薩則不能住出世方便智輪不名福田亦不能善知衆生諸行若見不成法器衆生及聲聞辟支佛乘根不熟者於是人所顯示大乘是名愚癡無巧方便而教大乘人捨菩薩道令修聲聞辟支佛法是爲錯謬不識人根若見辟支佛人教令捨離修聲聞乘不識人根而謬說法有如是失墮於過咎若見聲聞人厭於生死者爲說世間三界果報樂著生死不識人根而謬說法有如是失墮於過咎若有衆生不斷殺

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

盜乃至不斷邪見具行十惡諸不善根見如是等而爲顯示菩薩大乘甚深之法竟不說於惡道果報生死受苦輪轉諸趣不識人根妄說諸法墮於過咎亦名愚癡無方便智若見樂持戒者爲說布施樂精進者爲說持戒樂忍辱者爲說精進樂禪定者爲說忍辱樂智慧者爲說禪定是名菩薩愚癡無巧方便智輪亦名世間智則與一切聲聞辟支佛共亦不可名爲摩訶薩也云何名菩薩摩訶薩出世間方便智輪若諸菩薩有所作業皆爲他人不念已身作若干等種種技術乃至悉欲與人共之如前所說若有已利

迴施他人見堪任器者而爲說法漸教聲聞辟支佛乘見辟支佛人教令漸修摩訶衍乘亦不爲聲聞人根不熟者而爲說樂生死法爲有殺生乃至邪見爲說聲聞法生死所趣若樂修施者爲說無上技術乃至樂智慧者爲說賢聖無漏智道以是智慧成就衆生不取衆生相及智慧相是名菩薩摩訶薩能出世間最大莊嚴方便智輪若菩薩摩訶薩成就此輪從初發意斷除五欲是名菩薩摩訶薩堪爲聲聞辟支佛作大福田常爲一切守護供養爾時世尊欲重宣此義而說偈言

1 2 3 4 5 6 7 8 9 10 11 12 13 14 15 16 17 18 19 20 21 22

應說一乘道 而爲演二乘 則爲自欺詐

不名度衆生 決定墮邪聚

而示下劣乘

是則爲愚癡 不名摩訶薩

趣向一乘者

爲欲聽法故

樂處於生死

智者之所說

決定專一心 隨欲而敎化

是名爲方便

智者所讚歎 一向爲聲聞 敎令生厭惡

堪任爲器者 敎以摩訶衍

復次善男子菩薩摩訶薩取法之慈而莊嚴輪不取衆生相何以故取衆生慈而莊嚴者則是聲聞辟支佛行不能莊嚴大乘道也聲聞辟支佛雖修於慈但

自爲已不爲利人爲自調伏滅已結業盡諸煩惱已得涅槃爲我人衆生而修行慈於他衆生心常放捨是故不名爲大莊嚴輪惟斷已結不能爲人除諸煩惱菩薩摩訶薩則不如是常爲一切衆生修行慈心莊嚴大慈名爲菩薩摩訶薩無依止慈不依止陰界入故而修行慈不依止此岸而修行慈不爲欲界色根五力七覺分八聖道分而修行慈不依止欲界色界無色界而修行慈不依止彼岸而修行慈不爲不依止此岸而修行慈不依止後世故而修行慈不到故而修行慈菩薩摩訶薩惟緣法故而修行慈

此非聲聞辟支佛之所能行唯諸菩薩摩訶薩乃能成就如是大莊嚴緣法慈輪若菩薩從初發意離於五欲如是菩薩摩訶薩堪任聲聞辟支佛作大福田亦爲一切衆生守護供養復次善男子菩薩摩訶薩修大悲輪從初發意斷除五欲名爲摩訶薩堪爲聲聞辟支佛作大福田常爲一切衆生守護供養何以故一切聲聞辟支佛但自爲已而修悲故菩薩摩訶薩則不如是而自已爲一切衆生故而修行悲是故堪爲一切衆生作大福田如是菩薩摩訶薩能兼他人修四攝法爲成熟衆生故乃至捨已支節身命及以財物以此大悲爲欲安樂諸衆生故亦不得衆生相不得施者相不得受者相乃至不得施業果報相行檀波羅蜜時不取行相愛語利益及同事相雖行四攝而不取相常以最勝心第一心寂滅心乃至無量阿僧祇心不行陰界入心心無動搖而常安住莊嚴大悲寂滅心成熟衆生善男子以如是相能大莊嚴不與一切聲聞辟支佛共菩薩摩訶薩具足成就此大悲輪從初發意斷除五欲堪爲聲聞辟支佛作大福田常爲一切衆生守護供養爾時世尊欲重宣此義而說偈言

此法難思量 甚深如虛空 無色無所住
 大悲之所成 常勤行頭陀 菩薩最上智
 大悲勇健力 超過一切人 衆生無歸依
 生死苦所縛 普欲令解脫 大悲水洗除
 乾竭生死海 則非聲聞地 及與緣覺乘
 菩薩所哀愍 貪欲恚愚癡 衆生沒惡道
 以此大悲水 洗浴苦衆生

復次善男子又有廣徧虛空無邊無有量數種種差
 別音聲辯才一切三昧總持忍辱大莊嚴輪菩薩摩
 話薩若成就此輪從初發意斷除五欲則能堪爲聲

聞辟支佛作大福田一切皆應供養守護云何名爲
 菩薩摩訶薩廣徧虛空無邊無量種種差別音聲辯
 才一切三昧總持忍辱大莊嚴輪所謂菩薩照明一
 切法猶如月光普照天下無相無依心無所染於諸
 三昧身心不動眼觸眼識悉皆不動若眼緣觸內生
 三受苦受樂受不苦不樂受生寂滅心與無生心耳
 鼻舌身乃至心意識無生亦如是能生三受寂滅心
 無生心三世陰界入一切亦皆無生無有動搖三界
 三行三戒三乘三解脫三根三觸亦寂滅心無生心
 一切處無住皆行無相檀波羅蜜乃至持戒忍辱精

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

佛說大般涅槃經卷第

卷八

進禪定智慧波羅蜜皆住寂滅心無動亂四念處四正勤四如意足五根五力七覺分八聖道分皆住不動九次第定亦不動乃至三行如不如相亦悉不動知一切法悉無所障住八聖道窟宅及非窟宅有取無取有漏無漏有此彼岸無此彼岸無大無小有作無作有善無善有記無記於一切處而心不動乃能如是大慈大悲興大方便爲成熟衆生守護三業及四無畏分別十地乃至十八不共法於一切皆住無作無起心常安住取相三受皆悉寂滅菩薩摩訶薩離一切相得虛空眼火光明三昧一切三昧王

方便大莊嚴輪若菩薩住是三昧則能滅除過去諸業三惡趣苦皆悉消滅令盡無餘善男子譬如五日出時一切泉流河池及諸大河四大海水皆悉枯竭如是菩薩摩訶薩以廣偏虛空無邊無量阿僧祇譬喻言辭巧說辯才一切三昧總持忍辱大莊嚴輪菩薩若能成就此輪滅盡三有除諸惡趣於過去世所有業障永滅無餘善男子譬如世界劫欲盡時此四天下及八萬四千諸河渚等并四天下一切諸山皆悉敗壞消滅永盡令無有餘善男子菩薩摩訶薩亦復如是成就一切三昧諸陀羅尼忍辱輪者能滅先

世所作惡業乃至三有一切惡趣永盡無餘善男子
譬如諸黑闇徧滿虛空日輪出時一切黑闇皆悉除滅
菩薩摩訶薩亦復如是若能成就是大莊嚴輪乃至
一切三昧總持忍辱輪已身及他顛倒諸闇皆悉消
滅如是虛空無邊智日悉能消滅先世諸惡不善業
使永盡無餘是菩薩不隨惡知識常不離諸佛而聽
正法乃至不離諸菩薩行於其夢中心常念佛何等
是菩薩摩訶薩大莊嚴徧滿虛空廣大無邊無量阿
僧祇種種言辭音聲辯才一切三昧總持忍辱輪菩
薩摩訶薩入於初禪乃至第四禪入空處乃至入非

想非非想處入滿足滅盡定乃至滿足滅三行心無
動受心想觸意行寂滅不動或住一日一夜乃至七
日七夜住於禪味亦住第一義空身諸毛孔出於暖
氣燒滅一切結使業薪如是次第逮深正念一切身
體悅樂滿足譬如自在天子入現一切樂三昧入是
三昧已一切身毛孔中皆悉受樂如是樂相觸菩薩
身而便自憶念佛念佛已即便見佛無復餘相若念
一佛則見一佛若念無量佛則見無量佛若念佛身
少分則見少分若念佛無邊身則見無邊身若觀自
身作佛相者則見已身同佛相好具足莊嚴若觀他

身欲作佛者則見他身亦同其佛莊嚴相好若欲隨觀衆生皆作佛相者則隨所觀同佛身相餘無所見心所起念皆實不虛知一切法如幻如水中像悉觀三受三行永盡消滅如是觀已還入滅盡定禪悅味食或於一七日二七三七乃至七七日或十日五十日如是乃至百千萬億劫還入實諦空觀如前念佛成就作是觀已善男子以如是相廣大徧滿虛空無量無邊阿僧祇種種言辭音聲辯才一切三昧總持忍辱輪菩薩成就如是輪故斷除五欲滅盡過去一切惡業三有六趣皆悉消滅令無有餘堪爲聲聞及辟支佛作大福田亦爲一切守護供養離四顛倒愚癡大闇不復更隨諸惡知識常不離佛得聞正法乃至夢中見佛聽法供養衆僧於一切菩薩所行之道疾成阿耨多羅三藐三菩提得淨佛土於彼佛國一切衆生悉皆化生相好如佛住摩訶衍結使微薄爾時世尊欲重宣此義而說偈言

堪任法器者 則破諸結使 能住於善信

皆悉無疑難 爲欲斷有縛 當作大莊嚴

修學諸禪定 智慧不思議 修學於諸禪

觀第一寂滅 以此念佛智 能盡一切惡

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

佛說大法華經卷八

三

唐

相與無相等 以空悉能滅 永斷於惡趣
不離見諸佛 善修學諸法 供養一切佛
疾成於正覺 以修空相故 爲衆作親友
除捨諸結使 是名淨福田 疾近於菩提
衆生作佛相 徧滿諸世界 爲求佛道故
遠離於二乘

說是法時恒河沙等無量菩薩本所曾聞念佛正法若有廢忘今悉還得無量衆生聞是念佛百千三昧悉入一切三昧方便皆得憶念總持華鬘無量衆生而皆依止首楞嚴三昧乃至成就電光三昧得一切法照明逮無生忍遠塵離垢得法眼淨無量衆生得須陀洹果斯陀含果阿那含果阿羅漢果無量衆生皆求出家入佛法中無量衆生依於十善有發聲聞心者有發辟支佛心者有發阿耨多羅三藐三菩提心者得不退轉者無量衆生得世間正見以正見因緣故斷惡趣結皆得生天及在人間歸依三寶棄捨五欲於佛法中而得出家離一切邪見得清淨信爾時世尊告金剛藏菩薩摩訶薩善男子汝當以此不退法輪授地藏菩薩記若有衆生讀誦此經爲他解說住是法者應當擁護十法何等爲十擁護一切財

1 2 3 4 5 6 7 8 9 20 1 2 3 4 5 6 7 8 9 20

物離一切怨一切邪見邪歸依十惡一切身過一切
口過一切誹謗一切破戒一切橫病一切橫死如是
衆生臨命終時皆得見佛卽生天上若有衆生讀誦
此經應當擁護如是十法是名諸佛伏藏佛說是經
已時四部衆及諸天龍夜叉乾闥婆阿修羅迦樓羅
緊那羅摩睺羅伽人非人及地藏菩薩等聞是經已
歡喜奉行

佛說大方廣十輪經卷第八

音釋卷一

恚

駛

慙

首楞嚴

梵語此云健相分別

醯

袞

記荊

謂授將來成佛之記劫國名號之別也荊音別

免

釋平聲

第十六紙

四行於字改布字入行本紙氣字未詳

卷二

告吉

告子

夢同

卷三

憇

犧喜

溉

蓋

禪

敗

卷四

鞚

也

跋

盤入聲

戍

上庶守邊也

舐

時上聲

噭

哀

幢

牀

哆

恥又車上聲

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

第十八紙

十九行時字

南藏

作利

卷五

鞞

即硬

燋

雷

炷

註

痘

鴟上

瘧

惡貌

癡

雷

賚

即商

第五紙

四行具字從南改貝

卷六

憒

膾

瘡

因

坯

不未燒瓦器也

卷七

輶

年上聲輪也

炙

完

鑑

開上聲甲也

卷八

窟

聲坤入

曼

蠻

汎

迂聲連上

大集須彌藏經卷上

聲聞品第一

南無十方一切諸佛

如是我聞一時婆伽婆在佉羅帝山依牟尼仙住處與大聲聞衆過出衆數一切皆是佛大弟子與大菩薩衆無量無邊悉從十方諸佛世界而來集會次第究竟梵翼記分爾時衆中去佛不遠有功德天住於佛前爲聽法故卽從座起合掌向佛而白佛言大德婆伽婆有諸菩薩以施福船筏渡生死海何以故此

高齊那連提耶舍共法智譯

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

佛世界五濁極穢多有衆生功德智慧悉皆減少以是因緣故菩薩摩訶薩於此衆生起大悲心又此衆生說無因輪資財乏短勤苦追求而不能得此諸菩薩若不行施不能化彼罪惡衆生是故諸菩薩作如是念我今被檀度鑑起大精進汎施船輜越生死海是諸菩薩摩訶薩修行布施福德之事令入諸佛無上大海乃至獲得最上灌頂法王之位世尊復有衆生計存常見廣乏資財苦身求索亦不能得菩薩若不修行戒施則不成熟彼諸衆生是故菩薩摩訶薩於計常衆生起大悲心復作是念我當化彼計常衆

生我以如是持戒鎧甲欲度生死大海乃至得受灌頂法王之位是諸菩薩以持戒福事行及十善道成熟衆生令入無上諸佛大海乃至安置灌頂法王之位世尊此復有衆生行十善道而不清淨於殺盜婬至貪瞋等身見衆生福德智慧減少故資財乏短勤苦追求亦不能得彼諸衆生若不以出家清淨戒無以成熟是故菩薩摩訶薩於彼殺盜婬妄語兩舌惡口綺語貪瞋等身見惡行衆生所起大悲心以無常方便令諸衆生入佛法中以出家戒成熟衆生此卽是我忍進鉀胃是出家戒卽爲船輜度生死海以

是緣故菩薩摩訶薩以持戒福德及無常方便教化成熟出家律儀戒衆生彼菩薩以是業故乃至令入無上諸佛大海乃至安置灌頂法王之位菩薩摩訶薩便自能入無上諸佛大海爾時功德天白佛言大德婆伽婆云何菩薩摩訶薩最初修學禪波羅蜜本業學已知諸禪分能出欲界斷除五支成就五支於四神足遊戲神通善能往詣一切佛刹迅疾如電於一切佛所供養聽法爲竭衆生三種道故何等爲三謂業道煩惱道苦道滿足禪波羅蜜云何滿足禪波羅蜜具足六波羅蜜滿足六波羅蜜已速得阿耨多羅三藐三菩提佛言善哉善哉清淨智汝清淨智於此法中以爲疲勞滿此法行爲衆生故能於如來應正遍知所問於此義汝清淨智當至心聽善思念之我今爲汝分別演說功德天言如是世尊我當聽受唯願說之於是世尊告功德天言清淨智如汝所問云何菩薩摩訶薩最初修學禪波羅蜜本業學已知於禪分能過欲界除斷五支成就五支於四神足遊戲神通善能往詣一切佛刹迅疾如電於一切佛所供養聽法爲竭衆生三種道故何等爲三謂業道煩惱道苦道能生修道所作福事滿足禪波羅蜜禪波

1 2 3 4 5 6 7 8 9 10 11 12 13 14 15 16 17 18 19 20 21 22

羅蜜滿足故具足六波羅蜜滿足六波羅蜜已速得
 阿耨多羅三藐三菩提清淨智此菩薩摩訶薩初修
 禪定於一切出入息相係心緣念彼菩薩摩訶薩以
 不亂心出入息隨入息觸心彼入息觸心者名爲
 覺隨出息觸心隨出息觸心者名爲觀乃至喜樂一
 心不亂心將出欲界離於覺觀斷除貪欲及瞋恚蓋
 伏一切惡法得於初禪有覺有觀彼時卽有如是相
 起一切身分悉皆震動充遍於身若菩薩增上勇猛
 繫念專住彼時便能滅於覺觀喜樂一心得第二禪
 爲除喜過精勤不止旣滅喜已得第三禪樂菩薩爾

時其身適樂猶如煥乳以灌身體得希有樂如天身
 想彼得成就如是勝樂於三寶中得增上信心復作
 是念我爲利益一切衆生被服大鎧勤修禪定我今
 應捨身樂彼菩薩摩訶薩止出入息捨相續攀緣心
 繫意鼻端於出入息住心觀察又觀彼心剎那散壞
 知生知滅又知彼心剎那相應散壞無生如水中月
 如光影如陽燄如電心意識一切陰界入知已是故
 糜捨身樂思念彼法生滅入第四禪爾時卽有如是
 相起菩薩雖復閉目如大日光照見明了彼菩薩作
 是念以此攀緣光明相故一切衆生陰界入不斷增

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

卷之二十一

四

唐九

長熾然我今應當心念止於攀緣光明彼復於此以減方便捨受想思觸憶集生滅入勝清淨善寂滅城住止身口意業彼菩薩還從定起取出入息相觀觸念想還入空定從空定起復觀出入息生滅攀緣相便入無願三昧從無願三昧起見出入息寂滅住無相定如是則能修滿四念處乃至三解脫門彼菩薩以觀出入息生滅觀於滅故修四正勤滿足彼菩薩以觀出入息出沒相便能具修滿四神足彼觀出入息故卽能散壞其身猶如窓塵爾時卽得修滿五根以出入息出沒方便觀察三行如是便能修滿五力

彼以除出入息受相方便觀察除寂滅如是修七菩提分滿足彼以出入息風方便念散壞一切大地界及一切色悉皆無餘彼無有相無有語言無有狀貌無有假名三行寂靜極寂靜寂滅得無緣三昧此如是名遊戲禪定禪波羅蜜本業諸菩薩摩訶薩共一切聲聞辟支佛禪本業若住於此以下精進或證須陀洹果或斯陀含果阿那含果或乃至住阿羅漢果若菩薩堅固精進大悲心願念一切衆生無量福德智慧聚爲之疲勞彼菩薩摩訶薩於如是禪本業遊戲三昧方便安住不退阿耨多羅三藐三菩提不墮

聲聞決定聚中不捨禪定本業大鎧彼菩薩摩訶薩
滿足禪波羅蜜滿足禪波羅蜜已便能滿足六波羅
蜜清淨智乃至若國土中或比丘比丘尼優婆塞優
婆夷欲趣聲聞乘欲趣緣覺乘或趣大乘或善男子
善女人於如是禪本業遊戲三昧係念思惟者隨所
住處彼國土一切天王常善守護一切龍王一切夜叉
一切阿修羅王一切緊那羅王一切摩睺羅伽
王一切餓鬼王一切毘舍闍王一切羅刹王等當善
護彼國若國土中有如是禪相應福田住者彼國土
彼刹利王得十種可愛樂法何等爲十一者安隱滅

一切患二者長命三者得上妙色四者皮膚鮮軟五
者支節可愛六者得善眷屬七者能修善業八者繫
念慈悲方便九者恒與名稱福器相應十者命終生
於天上是爲十又彼國土復得成就十種殊勝利益
何等爲十一者不爲自賊他賊之所劫害二者亦無
惡賊毒獸蚊蛩蝗蟲等三者無有旱潦及非時風雨
寒熱等觸四者土地平正無諸丘墟谿澗嶮曠五者
彼國一切種子五穀諸藥草木叢林翁蔚茂盛無諸
辛苦澀惡等味萃果六者無諸惡聲鬪諍反逆饑饉
病患及非時死七者彼國衆生長命端正適樂豐盈

1 2 3 4 5 6 7 8 9 20 1 2 3 4 5 6 7 8 9 21 1 2 3 4 5 6 7 8 9 22

無穢濁心遊戲快樂如法修行生于天上八者其國土中諸福田器之所依住愛樂隨順禪定三昧九者彼國衆生飲食所須悉皆無乏上妙可愛資成四大稱順根性增長無違十者其土人民勇健強記有慈悲心命終生天清淨智此十種法善能莊嚴於彼國土清淨智此菩薩摩訶薩以業障礙捨離大乘住聲聞地達化衆生此是聲聞禪波羅蜜遊戲三昧聲聞以此了知滿足禪分出三界窟宅及諸有縛斷除五支成就五支越過三界住無學地遊戲神通到入解脫禪定彼岸一劫修行得爲一切諸佛之子從佛口

生從法化生彼雖如是猶故不能往諸佛土供養諸佛從佛聽法亦復不能乾竭衆生三種道若能如是遊戲三昧者隨其所住國土獲得如上大功德利

菩薩禪品第二

爾時佛告功德天言清淨智云何菩薩摩訶薩不共一切聲聞辟支佛禪波羅蜜本業差別滿足若菩薩摩訶薩滿足禪波羅蜜已便能滿足餘五波羅蜜清淨智此菩薩摩訶薩於一切出入息中及五受陰觀其生滅既觀察已消竭渴愛不墮聲聞決定聚中於四神足遊戲神通善能往詣一切佛刹迅疾如電於

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

大般若經卷第

唐

諸佛所供養聽法乾竭一切衆生三道謂煩惱道業
 道苦道雖出欲界而不捨欲界爲化衆生故現生諸
 趣不爲胎染斷除衆生煩惱羅網然於衆生而無所
 得清淨智此菩薩摩訶薩隨出入息名各別觀但新
 非故如實了知如是出入息中色受陰如實了知受
 想行陰亦如實了知如是出入息中識受陰如實了
 知於出息異入息異知出息異知入息異
 中受想思觸念知出息異中受想思觸念亦如是入
 息受時非出息受時非入息受如是三有輪
 轉受想思觸念因緣故相續不斷漂生死海而不能

渡數數生老死已還生不能如實覺知此法不能如
 實出彼生死於出入息不能如實覺察復次如是出
 入息於九瘡門出入往來如是九十九那由他百千
 毛孔門一切皆悉息出入而於九十九那由他百千
 毛孔不增不減不能覺知非過去非未來非初非
 中非後不知住不知出復作是念我今一切毛孔出
 息入息生滅方便應與生滅相相應住是菩薩摩訶
 薩隨九瘡門出入息生滅觀察如是九十九那由他
 百千毛孔門一一毛孔中觀察出入息生滅觀察
 出入息生滅相應住若菩薩欲觀毛孔小相但見毛

經

大般若經卷第

人

唐

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

大集會說經卷一

唐

端息從往來卽能見小若欲見大便能得見如芥子
許若欲得見如菴摩勒果許卽能得見若欲得見頻
螺果許亦卽能見若欲得見一由旬千由旬乃至一
四天下一一毛孔而觀察之隨欲見廣卽能見廣彼
時菩薩作如是念衆生以眼迷惑繫縛生死相續不
斷漂生死流受種種苦彼菩薩復作是念我今棄捨
一切色想已得無言三昧非諸聲聞辟支佛地於彼
地界亦無所得水界火界風界虛空界識界亦無所
得不得陰界入非前際非後際非此世非他世非善
業報非惡業報非生非滅非有煩惱非離煩惱無有
所得菩薩如是住寂滅住彼若欲得於無量劫於此
一切法無語言空三昧若住若加菩薩如是自智加持
三昧力故便能於此一切法無語言空三昧無量
劫住亦能滿足六波羅蜜爲成就衆生因緣故清淨
智如是地藏菩薩摩訶薩於此一切法無語言空三
昧到自在彼岸是菩薩若欲入此三昧時以福德智
慧力爲成熟衆生故先作是願乃至我未出三昧已
來於此時中欲令此國土境界及四天下此佛世界
一切衆生諸有所須資生之具隨其相貌隨其多少
隨其所樂所謂飲食衣服臥具瓔珞莊嚴之具園林

經

大集會說經卷一

七

唐

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

屋宅形色狀貌支節身分可愛色聲香味觸等欲見如是等事是時菩薩便入此三昧菩薩入此三昧已隨其時節於此佛世界四天下一切衆生如上所說所須之具便得充足或復作是念隨我住定時節遠近隨諸衆生多少分齊欲除衆生身心之病謂風黃飲等分之病或人非人所作如是欲滅貪瞋癡等煩惱諸病及滅十不善業令住十善業道中便卽入此三昧彼菩薩摩訶薩隨其住定時節久近隨其所爲多少衆生如上所說身心病苦悉皆除滅又菩薩復作是願隨我住定時節已來欲滅地獄種種諸苦畜

生之中互相殘食等苦閻魔羅界飢渴等苦及寒熱苦怨憎會苦愛別離苦求不得苦隨願分齊令諸衆生離一切苦惱及不善法成就一切善法令諸衆生慈心相向生利益心不動心無怨心無諍心無鬭訟心哀愍心乃至禪正受善住心不迷惑心及滅衆生愚惑之心又滅衆生常見斷見及諸見聚於三寶所恭敬供養生希有心令諸衆生離四顛倒住四不顛倒於四聖諦及第一義諦心善安住如是菩薩福德智慧善巧方便力之所加持菩薩爾時爲化衆生因緣故欲入三昧乃至未出三昧已來令此國土及閻

1 2 3 4 5 6 7 8 9 210 1 2 3 4 5 6 7 8 9 210

經

金剛經卷一

唐

浮提四天下乃至此一佛刹所有衆生隨其分齊安樂之事如上所說欲令獲得然後入於無語言一切法空三昧彼菩薩摩訶薩入此三昧時間乃至佛刹隨所要期衆生分齊彼菩薩以福德智慧三昧力故隨住定時如上所說種種資生及諸樂具乃至未出定來令諸衆生悉皆獲得彼菩薩入此定時無有身苦心苦亦無飢渴火不能燒水不能漂乃至劫火所不能害及以劫水亦不能爛不爲風災之所散壞又復不爲疫病飢餓刀兵等劫盡其命根欲取滅度隨意自在又人非人毒風暴熱不能侵惱又彼菩薩在

定未起隨其所念欲令無量佛刹入一微塵又復十方國土一切諸佛及大菩薩聲聞眷屬於一爪甲悉能得見令無遺餘又令一切衆生入一毛孔而彼衆生於自境界悉見如故又十方世界無量佛刹所有諸風菩薩悉令入一毛端隨風境界遊行虛空廣陻去來無諸障礙於彼毛端亦無增減如本不異又十方一切諸佛世界所有水界菩薩能令人一豆稽隨水廣陻流注往來亦無障礙於彼豆稽而無增減又彼菩薩不復處胎除自願力不生惡趣不受女形不生下分諸根具足終不缺減身口意行無有過失亦

經

大藏真爾藏

七

唐

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

不生於無佛世界除自願力爲化衆生是菩薩常不遠離見佛聞法供侍衆僧亦不遠離福德智慧無畏方便教化衆生乃至入於無上涅槃如是清淨智彼菩薩摩訶薩被於如是大堅固鎧最初修習禪波羅蜜本業能過欲界了知禪分斷除五支成就五支乃至遊戲於四神足善能往詣一切佛刹迅疾如電供養一切諸佛聽聞正法乾竭衆生所有三道所謂煩惱道業道苦道如是清淨智菩薩摩訶薩滿足禪波羅蜜已便能滿足六波羅蜜滿足六波羅蜜已速得阿耨多羅三藐三菩提爾時世尊說是禪波羅蜜本業時於彼衆中五萬衆生曾於過去修行此法是故今得無生法忍八萬四千菩薩得首楞嚴三昧九萬九千菩薩得滿足禪波羅蜜無量無邊衆生發未曾發無上菩提心發是心已住不退轉地減非時風雨品第三

於時地藏菩薩摩訶薩告功德天言清淨智汝今當觀此四天下端嚴殊妙一切菩薩所應供養憶念守護於其長夜應當恭敬今釋迦牟尼佛集一切菩薩摩訶薩故顯示一切菩提道行不退轉輪究竟善巧方便佛灌頂地乃至汝行檀波羅蜜滿足最上不退

轉行若汝於如是最上福田以諸飲食而修供養以此精勤速能滿足六波羅蜜滿足六波羅蜜已則能究竟安住一切種智時功德天作如是言如是如是如仁者所說唯願聽我說本因緣我念往昔過無量劫我共釋迦牟尼佛修菩薩行同發誓願汝若能得成無上道時願我於彼四天下中到功德處得功德處已於一切衆生中隨其所須衣食之具悉皆給與仁者善聽於過去世過無量劫彼時有佛號因陀羅幢相王如來應供正徧知明行足善逝世間解無上士調御丈夫天人師佛世尊出現於世人壽千歲彼時有優婆塞名光無垢德聰慧調柔多聞無畏爲四衆說法衆所歸伏多有眷屬彼有長子名無垢德卽以偈頌問其父曰

父今何故勤心不下捨其事業及自身命爲護衆生勇猛增勤何故此身不取滅度爾時光無垢德復以偈頌而報子言

吾見世苦極迷衆生生老病死之所逼迫煩惱火熾沉流惡道故我勇猛欲滅彼火又智減少不見未來墮生死河極重惡處對於惡道迷失正路爲救度彼故我修行

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

大集多寶經卷一

三

唐

又不能成 布施調攝 而常遠離 人天安樂
於善知識 常相乖背 願示衆生 出世要路
煩惱獄中 常繫衆生 無有眼目 痹無救者
執著惡見 啜食血肉 爲除彼故 故我修行
我於衆生 如是悲念 爲一一人 住阿鼻獄
具受種種 尤劇苦惱 如爲一人 衆多亦然
我不樂求 聲聞智慧 及緣覺智 亦不願求
唯求無上 最勝智慧 子今當知 我行勝道
乃至無量 恒河沙數 苦惱衆生 未脫苦來
爲欲度彼 諸衆生故 我終不取 菩提正覺
汝今當知 亦應如是 於諸衆生 常應起悲
應常勇猛 修行善法 以此迴向 無上聖道
煩惱火中 救脫衆生 汝應勇猛 何極苦惱
應當修行 布施調柔 得成佛道 無有疑也
若我得成 無上菩提 汝於衆生 紿施飲食
我時授汝 勝菩提記 汝當安住 堅固誓願
爾時功德天語地藏菩薩言善男子我於爾
時於因陀羅幢相王佛所作如是願乃至我住世間
隨其久近種種精勤難行苦行布施調伏禁攝放逸
及諸禪定營助衆事多聞捨行皆悉修習所有種種

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

難捨能捨如是我父於當來世人壽百歲煩惱怨諍
 犢濁迷惑惡世界中成阿耨多羅三藐三菩提我於
 彼國中現爲功德王於釋迦牟尼佛境界衆生及其
 倘屬得施無上衣服飲食資身之具卽於釋迦牟尼
 佛前得受阿耨多羅三藐三菩提記若彼土衆生暴
 惡麤獵無慈愍心亦無反復惡行惡心成就如是種
 種諸惡風雨不時或復旱潦寒熱不調作諸災變衆
 生所有諸華果實五穀藥草及諸美味悉皆殄滅奪
 其精氣衆生資產皆悉衰耗而作閻冥願我爾時於
 彼衆生福德加被智慧威力悉令遮止生其信心又

令衆生資生不乏不令行惡增長善法佛所應度受
 化衆生紹三寶性使不斷絕勢力增盛又令我得依
 報自在教化衆生令得阿耨多羅三藐三菩提我今
 佛前所發誓願於未來世得滿足者唯願印可賜言
 善哉爾時因陀羅幢相王佛卽便印可讚言善哉善
 哉善男子如汝所願必得滿足又善男子我當施汝
 作世水宅心陀羅尼汝以此陀羅尼心能成就衆多
 衆生又令無量衆生豐足資生果報無乏又能度於
 煩惱暴流卽說呪曰

多地耶他

闍藍婆

摩訶闍藍婆

阿奴呵闍藍

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

婆娑羅闍藍婆 郁伽闍藍婆 夜叉毗梨闍藍
 婆那伽毗梨闍藍婆優羅伽毗梨 闍藍婆阿薩
 帝鼻梨闍藍婆 阿輸婆比 利闍藍婆 摩嗟比
 梨闍藍婆曼廚迦比梨闍藍婆 佉目羅比梨闍
 藍婆崩起比梨闍藍婆阿摩比梨闍藍婆 摩脂
 目佉闍藍婆 婆摩囉婆摩囉闍藍婆 摩囉比闍
 達茶鉢多囉布疏波頗藍婆 素叉梨牛婆素達摩
 耶若 比利使致搔醯藍婆仰苦步聲羅婆窟去聲窟
 婆羅窟頻頭窟 婆羅闍比 婆婆呵

是陁羅尼句若爲他人及自己身稱其名號爲誦此

陁羅尼一切怖畏一切殃禍悉皆消滅善男子此作世水宅心陁羅尼汝若以此心陁羅尼便能成就衆多衆生汝善男子我昔於彼因陁羅幢相王佛所受持此作世水宅心陁羅尼於彼佛所種種供養持戒多聞布施精勤從是以來復於十千佛所增進如是願行以此善根今於賢劫中得大功德處念猶不堪成此大業何以故從昔以來無量惡龍及夜叉羅刹阿修羅鳩槃茶餓鬼毗舍遮等出生世間於諸衆生毒惡凶暴無信無悲無慈愍心行於惡法非時風雨旱潦災雹寒熱不調種種反逆自軍他軍怨憎鬪諍

1 2 3 4 5 6 7 8 9 210 1 2 3 4 5 6 7 8 9 210

熱風暴起不顧來世是諸衆生於彼過去諸佛之所加持作世水宅心陥羅尼不生信樂彼惡衆生不信樂故於諸種子芽莖枝葉華果美味五穀藥草及諸資生破滅毀壞奪其精氣於諸地味放毒氣吹以是毒氣令其地味雜毒澀惡雜病垢膩臭穢無味令此大地作如是等由是因緣衆生不樂若依地味衆生食此種子芽莖枝葉華果諸味五穀藥草資身之具者便生惡心剛礦毒惡於諸衆生無悲愍心不顧後世爲諸病所逼身色麤惡種種煩惱諸苦所害具足惡見住邪歸依於三寶所不生信樂尊重恭敬希有

之心乃至禽獸亦復執於種種惡見迷失本道詭曲無實但有口言彼諸衆生於三寶中身口心意違失善法破戒比丘不能禁攝於彼持戒任放相應辯才大德諸比丘所常生遠離不能親近罵詈毀謗輕弄惱亂稱揚其過遠離慚愧離十善道心不愛樂一切善行起遠離心爾時衆生遠離福智壽命短促趣向惡道是故我今於彼衆生不能令其豐足所須亦復不能成熟衆生汝於今者是大丈夫於正法中而得自在智慧善巧又汝已度一切三昧陥羅尼忍善能觀察智慧彼岸慈悲莊嚴通智彼岸汝悉已度又汝

1 2 3 4 5 6 7 8 9 20 1 2 3 4 5 6 7 8 9 21 1 2 3 4 5 6 7 8 9 22

於彼諸菩薩中爲最勝幢已能成就一切衆生汝今
 爲我應當於此四天下中起悲愍心自智觀察云何
 能令此四天下諸惡毒龍夜叉羅刹阿修羅鳩槃茶
 餓鬼毗舍遮迦吒富單那等一切惡鬼皆悉降伏風
 雨順時水旱調適秋實豐茂寒溫和平以是因緣令
 諸地味增長勢力氣味香美食用無患增益念力色
 貌充潤甚可愛樂稱意之事皆出於世依此大地諸
 衆生等食用無過增長念力如上所說爾時地藏菩
 薩告功德天言清淨智我今能令此佛刹土所有四
 大普偏無餘悉能令變爲天飲食使諸衆生於百千

劫食不能盡何以故但此衆生薄福德故所不能食
 於此勝報非其應器清淨智我又能令此娑婆佛刹
 變爲天宮及天臥具莊嚴衣服香華果樹種種音聲
 衆妙妓樂衆寶莊嚴悉能爲作此諸衆生遠離福德
 又非其器不堪受用唯除如來應正徧知十住菩薩
 及住首楞嚴三昧得自在者乃能受用清淨智又我
 能令一切衆生置第四禪令無有餘豈可不能降伏
 毒龍富單那等又我不應佛未聽許而現神變譬如
 轉輪聖王主兵藏臣不奉王教而發四兵無有是處
 如是菩薩悉是佛子從佛心生從佛口生從法化生

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

是故一切諸菩薩等無有不請如來而現神變清淨
智復有陁羅尼輪名水風摩尼宮集一切呪術章句
建立一切三世諸佛三寶之性清淨智汝今可問如
來水風摩尼宮大陁羅尼輪集一切呪術章句若佛
說者我亦隨喜汝等若能受持此陁羅尼者一切所
願皆悉滿足爾時大功德天女與大辯天女大堅固
天女作光大天女可喜天女安隱天女多摩羅堅固
天女明星主天女奢摩天女頗梨天女如是等上首
天女八萬四千那由他百千大眾前後圍遶從座而
起合掌向佛時功德天女卽於佛前而說偈言

能滅極惡濁煩惱

離垢無垢清淨行

我等渴仰陁羅尼

唯願演說總持輪

牟尼說寂無穢濁

三寶熾然最勝句

令修羅等得淨心

增長地味無毒惡

能除寒熱暴風雨

願說守護奪精氣

令食穀藥五味等

強記除患修善行

減除毒害諸惡見

歸信最勝無上法

或奪精氣多煩惱

云何教化此衆生

此諸天等於牟尼

希求最上甚深妙

顯示趣向菩提道

令諸衆生入大乘

大衆雲集果願滿

十方菩薩讚佛德

云何降伏諸惡龍

雨澤調適苗稼茂

爾時佛告功德天言清淨智此大阥羅尼諸佛如來時乃說之如來今於大衆會前而自要誓此水風摩尼宮阥羅尼輪一切十方三世諸佛之所加持今當顯示一切十方諸來菩薩得聞此者彼諸菩薩能任十方無佛國土五濁世中能顯示此水風摩尼宮阥羅尼輪以此阥羅尼力故其國所有非時風熱寒溫旱潦悉皆除滅由此阥羅尼故令彼毒惡無慈愍衆生不顧來世謂天龍夜叉羅刹阿修羅迦樓羅緊那羅摩睺羅伽鳩槃茶餓鬼毗舍遮富單那迦吒富單那人非人等乃至禽獸得信樂心柔和軟善念力善巧樂求正法護持正法紹三寶種以此阥羅尼力故彼佛刹土所有衆生增長壽命增長身色增長五穀增長資生增長安樂增長無患增長名譽增長持戒增長多聞增長布施增長慈悲增長智慧增長方便增長三昧增長阥羅尼增長地觀增長樂出世增長化衆生增長入大乘增長勝願增長地地轉入增長觀察陰界入增長慚愧增長攝功德莊嚴佛土增長六波羅蜜行增長一切十方諸佛常所護念增長值

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

九章彌那經卷一

唐

遇佛一切菩薩善友增長遊戲神足增長壞一切煩惱不令增長增長神通渡於彼岸不令退減一切善法乃至無上涅槃卽說呪曰

多地他

蘇婆羅

婆羅底

那耶婆羅底

制平聲

沙吒婆羅底

阿那婆羅底

奢婆多曷

囉婆羅

底奢囉擎

婆羅底

鳩牛尼婆羅底

珊瑚支囉婆

羅底

制平聲陁娑羅婆羅底

娑羅婆羅底

娑羅

鉢利訶利

娑羅婆羅多

上聲鉢利訶利

那耶鉢利

訶利婢

毗迦鉢利訶利耶

若鉢利訶利

蘇婆羅

鉢利訶利頻頭

鉢利訶利

闍羅鉢利訶利憩多羅

鉢利訶利特

義鉢利訶利

珊尼摩鉢利訶利

蘇婆婆鉢提

犁劬摩耶婆末

陁索谿

阿那耶波

盧誓迷

羅跋迷

阿羅那求師

伎羅毗闍

那

羅延擎

婢諶林

憇憂羅伽阿尼

彌徒

宮闈囉婆

胡迷訶闍

闍債鞞

羯摩毗羅犁

舍羅摩擎

娑離犁

那

能求耽

鼻犁婆耶

遮婆留尼

犍陀債鞞

犁釋迦

那

是若移

阿那鷄提

帝利

那耶

娜尼利帝利

耶頭婆佛

阿河地子

瑟癡帝

那

子及其眷屬悉皆吉祥

莎呵

那羅延擎

尼羅移

那

經

莎呵　所迦囉吠多迦羅迷　莎婆呵

說此水風摩尼宮阨羅尼輪一切呪術章句時一切佛刹所有大地六種震動諸來大眾戰慄不安心驚恐怖同聲唱言南無南無佛阨耶爾時佛告功德天言清淨智汝以此水風摩尼宮阨羅尼輪力能除一切鬪諍一切毒害夜叉羅刹修羅惡龍乃至人非人等及諸禽獸一切非時風熱寒冷災雲旱潦等過悉皆消滅清淨智此阨羅尼能令五穀悉皆成好令諸衆生增益壽命增長果報乃至增長一切善法未入無上涅槃已來不令失壞若聞此阨羅尼受持讀誦

如說行者彼人必定趣於涅槃安住三界爾時地藏菩薩白佛言世尊我亦欲說磨刀大阨羅尼以此阨羅尼力令一切衆果報所須及以地味悉無減損無能毀奪地之精氣又亦無能放毒氣者亦復無能壞其美味不能令其變爲澀惡亦復不能令其隱沒亦復不能令此大地不生五穀芽莖枝葉華果藥草亦復不能奪其精氣又復不令有其毒氣亦不乾枯又不澀惡不令不熟寒熱不傷食用無障食已無毒若食有毒能令食者腹痛吐下身心逼惱支體攣縮熱病顛狂心亂失念共相劫奪鬪諍殺生偷盜乃至邪

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

見是諸衆生常與如上惡法相應所謂若天或龍或夜叉羅刹阿修羅迦樓羅緊那羅鳩槃茶乾闥婆餓鬼毗舍遮或富單那或迦吒富單那或人或非人於諸衆生不能惱害

多地他

那鼻

摩訶那鼻

初何囉那鞞

阿鼻

具那鞞去聲

僧輸沙拏那鞞

鼻何囉闍佉鞞

阿婆

囉牟尼

多嚧那胡蘆醯

那他

上聲鉢帝利

闍婆

徒迷

魔囉娑帝

帝弭羅鉢帝利

塞荼

涅利

何隸

所初婆嘶

佉拏

上聲毗迷蹕上聲帝都裔

莎

波呵

鴦求囉蹕

莎波呵

布疏簸耶迷

莎波

呵
頰羅債鞞
莎波呵
薩智耶都裔
莎波呵
麫梨蘿
那婆迦羅摩毗沙
莎波呵
此唵羅
尼句擁護國王
莎波呵

汝清淨智此是磨刀大唵羅尼汝以此磨刀大唵羅尼力於諸衆生能作如上諸大業事能爲大樂以是因緣故汝今則能令諸衆生稟受汝化於是一切諸來大衆讚地藏菩薩言善哉善哉爾時世尊亦讚地藏菩薩言善哉善哉善男子汝今能爲一切衆生如大妙藥何以故汝身卽是微妙大藥汝於此四天下一切衆生中衆生之藥能滅一切衆生苦惱能施一

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

大集須彌藏經卷上

唐

切衆生樂具成就大悲汝能顯示如是甚深磨刀大
陁羅尼力故令此衆生地味精氣種子芽莖枝葉華
果諸味五穀藥草而不衰損無毒增長具足成就衆
生食者令彼衆生穢濁鬪諍悉皆消滅堪修善行於
此四天下非時風熱寒溫旱潦皆悉消除日月星宿
晝夜月半月盡時節年歲變怪爲滅此故說此磨刀
大陁羅尼以此陁羅尼力故令我三寶種及以法眼
得久住世使此愚闇薄福我慢所壞者不修善根惡
利利及諸宰相於我如是百千萬億阿僧祇劫精勤
苦行所集之法不滅不壞比丘比丘尼優婆塞優婆
夷無有惱亂以無惱故諸天不忿天不忿故一切衆
生悉皆獲得如上樂具

大集須彌藏經卷上

經

大集須彌藏經卷上

七

唐

0 1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

經

大集須彌藏經卷下

三

卷下

大集須彌藏經卷下

高齊那連提耶舍共法智譯

陀羅尼品第四

爾時世尊告功德天言清淨智我於往昔與汝二人
於因陀羅幢相王佛所同發誓願我今與汝得願滿足
我今已得阿耨多羅三藐三菩提汝亦住於功德之處
功德天言如是如是大德婆伽婆如是大德修
伽陀與世尊所願已滿我與世尊善欲已滿我共世
尊昔於因陀羅幢相王佛所同發誓願今願已滿心
意滿足是故如來出現於世我今得住功德之處我

經

大集須彌藏經卷下

卷下

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

今雖復得功德處猶故未能滿昔本願成熟衆生何以故此處多有象龍馬龍蛇龍魚龍蝦蟆龍彼於此界諸衆生中起於惡行雖說甚深作光阨羅尼猶故未制此諸惡龍彼龍常起非時寒熱惡雲暴雨旱潦不調傷害衆生及以五穀芽莖枝葉華果藥草大德世尊今此世界四天下中諸龍大龍及龍眷屬男龍女龍龍男龍女所有龍趣生者彼一切皆已來集又十方世界一切佛刹乾闥婆緊那羅鳩槃荼餓鬼毘舍遮富單那迦吒富單那等一切來集又復世尊聲聞

弟子人非人等亦悉來集在大集會爲聽法故住於佛前一切衆生依四食活大德婆伽婆今正是時唯願除此諸惡毒龍災害方便於如來所無有信心其心常與惡法相應惱亂衆生損壞衆生資生之具毒惡麤獷於諸衆生無悲愍心不見後世莫令於我所化衆生爲作障難是故世尊於彼衆生應起大悲滅彼諸惡爾時世尊告須彌藏龍仙菩薩摩訶薩言善男子汝於往昔然燈佛所爲化諸龍發大勇猛弘誓大願汝須彌藏有四生龍大龍毒惡過去未來現在所有氣毒龍見毒龍觸毒齧毒貪毒瞋毒癡毒龍等

1 2 3 4 5 6 7 8 9 200

1 2 3 4 5 6 7 8 9 200

1 2 3 4 5 6 7 8 9 200

此諸惡龍今當云何如法除彼所有惡業令諸眾生所有種種資生之具無所損減於三寶中信樂愛敬深信後世離於惡業爾時須彌藏龍仙菩薩摩訶薩白佛言世尊我當入彼毒龍宮中結加趺坐入龍頤伸三昧以此三昧力故令彼惡龍貪瞋傲慢皆悉消滅柔和調伏其心寂靜深信後世於一切衆生所慈悲憐愍起救濟心令彼毒龍心生敬信亦不惱亂一切衆生安置救濟衆生心地又世間所有風雨旱潦災雹大雲寒熱所害彼諸衆生當稱我名合十指掌作如是言大慈悲者念我念我念我能化伏龍須彌藏菩薩種種方便智慧勇猛修行無上菩提道者唯願救我除滅我苦作是言已卽說呪句

多地耶他 薩耽婆步闍 毗梨茶步闍 輸拒盧
梨茶步闍 迷盧闍婆 伽除婆步闍 炎于劍炎
阿泥婆步闍 蘇摩羅阿跋多步闍 傱苦步闍
莎波呵

此唵羅尼呪句擁護某甲莎波呵

大德婆伽婆若有衆生爲諸毒龍之所惱亂當稱我名并誦此唵羅尼我滅此龍貪瞋慢妒毒惡之心能以清淨天耳過於人耳而得聞之我得聞已若四生

1 2 3 4 5 6 7 8 9 210 1 2 3 4 5 6 7 8 9 210

龍大龍龍父龍母龍男龍女及龍眷屬不能令彼生敬信心猶作如是非時風雨寒熱旱潦災雹惡等若不滅者又我不與一切衆生安樂因緣滿其願者我便欺誑一切十方三世諸佛亦莫令我得成阿耨多羅三藐三菩提如是大德婆伽婆我於過去然燈佛所於佛眷屬大衆之前發於如是堅固大願從是以來常善安住敎化衆生又從是來復於億那由他千佛所諸佛現在眷屬前亦作如是堅固大願我常安住大精進力敎化衆生策勤不倦如我今者於世尊前堅固精進等無有異爲欲降伏諸惡龍故世尊

我念過去阿僧祇劫以來未曾憶念於一念頃捨於堅固勇猛精進心常安住堅固精進敎化衆生乃至今日亦復敎化一切衆生此諸龍王於大乘法精進修行謂此善住龍王爲一切象龍主此難陁龍王婆難陁龍王爲一切蛇龍主此阿耨達龍王爲一切馬龍主此婆樓那龍王爲一切魚龍主此摩那蘇婆帝龍王爲一切蝦蟇龍王如是等諸大龍王能與衆生作諸哀惱自餘諸龍自力不堪作上衰患此五大龍王安住大乘有大威德是大龍王各各佛前約率眷屬不令起作如上災禍於佛法燈三寶種姓久住於

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

世不令速滅爾時一切諸來大衆同聲讚須彌藏龍
 仙菩薩摩訶薩言善哉善哉爾時善住龍王從座而
 起偏袒右肩合掌向佛而作是言大德婆伽婆依屬
 於我諸龍大龍所謂胎生卵生濕生化生隨佛弟子
 聲聞菩薩徒衆眷屬所住國土慈心相向無怨害心
 住安等心又彼國土得爲王者於佛法中得淨信心
 擁護佛法不恃豪貴自在而生憍慢毀壞佛法亦不
 憶亂比丘比丘尼優婆塞優婆夷所有依佛出家若
 器非器剃除鬚髮服持袈裟至於彼人信心護持其
 國土中或餘衆生於佛法中起怨刺者國王應當如

法遮約又其國中先王敬信曾施沙門及婆羅門田
 宅封邑令其受用更不追奪若有輔相明智大臣和
 合一心共治國事得財堅固嘗舒施手是刹利王善
 護國土一切國中所有鬪諍穢濁如前所說我等諸
 王各各自敕已之眷屬不起災變何故我今作如是
 教此袈裟染衣一切過去諸佛常所加持又此袈裟
 則爲一切諸菩薩種則是趣向涅槃正路卽是剛刀
 能斷煩惱則是涅槃種子則是失道者燈明亦是除
 痘者藥如大猛風吹無明雲則是欲行惡道者杖則
 是吐藥散煩惱毒則是金剛壞修羅怨則是一切善

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

法寶藏如清淨水能洗罪染觀諸惡法猶如明鏡能攝亂心猶如羅網能容禪定猶如寶篋猶如大地能生諸波羅蜜應當頂戴如善明珠能容忍辱猶如屋宅則是淨器容十地行障諸外道猶如城郭則是良醫治煩惱病於諸學者如須彌山除煩惱蒸猶如明月除邪見闇猶如淨日爲智慧藏猶如大海於菩提分法猶如華鬘於一切智智猶如賢瓶一切佛護猶如意珠又此袈裟一切諸佛之所加護於諸衆生雨法雨故是故婆伽婆若惡利利王破壞佛法惱亂比丘比丘尼乃至器非器依佛出家者若治罰其身或

稅其物乃至斷命是故其國中有敬信佛天夜叉羅刹阿修羅鳩槃茶餓鬼等有大威德於彼一切利利王所起瞋恚心令彼國土鬪諍饑儉疫病刀兵競起非時風雨旱潦寒熱損傷五穀種子芽莖枝葉華果藥味此非龍過是諸龍等實自無辜橫得惡名大德婆伽婆譬如婆羅門自食蒜已與寶女通不言已臭妄怨寶女言汝臭穢世尊是利利惡王亦復如是捨利利法行首陁行以是因緣彼護國土威德諸天乃至薜荔等心生瞋忿破壞國土國王臣民不審已過妄與諸龍大龍而作惡名佛言龍王已曾教敕一切

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

諸王若順敎行者得人天樂乃至獲得涅槃之樂若惡刹利王不順敎行者乃至墮於阿鼻地獄復告龍王各各自誠已之眷屬當設嚴敎勿令違犯令彼現在及未來世莫壞我法及三寶種爾時龍王白佛言如是如是婆伽婆如是如是修伽陀世尊隨彼彼土若有持戒多聞所居之處於彼國中隨其所有我之眷屬若男龍女龍龍父龍母龍男龍女及龍眷屬於彼國土若城邑聚落一切諸處作非時風雨霜雹寒熱傷壞五穀華果藥味資生之具世尊若彼福田所居之處若有諸龍違背我敎我與立誓令彼惡龍其

身燋瘦退失神通燋熱觸身依報滅壞無復辭辯不堪爲作卽說呪曰

多地耶他 那伽嚩步竹筍 那伽泥迷 那伽陀囉輸伽囉 輸伽羅 開邇輸伽囉 阿鼻摩祇娑波呵娑囉目企 迦羅帝步竹筍 耶婆薩耽鞞帝闍耶 婆頗隸 眇目賒羯隸 莎波呵
如是陀羅尼句擁護某甲令一切怖畏一切災害悉令消滅莎波呵

爾時一切大衆讚善住龍王言善哉善哉大龍王能護一切衆生爾時會中一切龍衆驚怖恐懼時難陀

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

龍王婆難陀龍王從座而起偏袒右肩合掌向佛而作是言大德婆伽婆若現在世未來世若惡利利王慳惜資財自不受用亦不施他於已資財慳惜貺著不舒施手於沙門婆羅門不信不施貧窮行路乞匂之者皆不給濟於已宮內及其眷屬亦復不與如法樂事彼彼守護國土諸天夜叉羅刹阿脩羅鳩槃茶餓鬼等有大威德彼等一切於惡利利王起瞋怒心令彼國土鬪諍饑饉疫病刀兵競起乃至五穀藥味悉皆損壞非彼諸龍及大龍過彼龍王等實無過失橫得惡名譬如風吹彼臭屍世間之人便言臭風

然彼風性實非臭也如是世尊惡利利王亦復如是以慳貪故一切護國土者起瞋恚心以瞋恚故破亂其國橫爲諸龍而作惡名雖然我爲彼龍而作教令若彼諸龍若過去若未來違我教者若於如是諸佛所有聲聞弟子持戒多聞所居國土若我眷屬胎生卵生濕生化生若男龍女龍龍父龍母龍男龍女及龍眷屬於彼城邑聚落山川谿谷作非時風雨旱潦災雹大寒大熱傷害衆生五穀華果及諸藥味資生之具於佛聲聞弟子福德人所作損害者彼諸龍等違我命者當爲立誓令彼諸龍身體攀縮不能遊行

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

退失神通熾熱觸身一切依報悉皆損壞無復辭辯
無所能作卽說呪曰

多地他 婆羅拏輸迷 嬌牛婆頭羅騎婆盧拏懼
鞞 阿迦羅琦 翅賒泥毗摩何羅伽琦 嬌拏鼻
阿羅耆 阿多沙隸 那邪那耽鞞 迦羅嬌世
衰鶲懼波羅製乾陀何羅婆斯 莎婆呵
此陁羅尼句擁護某甲莎婆呵

爾時一切大眾讚難陁跋難陁言善哉善哉爾時阿
那婆達多龍王亦於佛前自誓擁護杖諸眷屬亦如
上說卽說呪曰

多地他 那摩比梨世 那婆那摩比梨世 阿奴
差那婆躬牛闍鼻琦 佉伽裴佉鉢囉都噠安薦切寶
賀邪斯隸 那嚩邪拏瞿迷 比那悉頸隸 阿賒
迦囉迷 阿初是泥移徒 牟尼薩拏 莎波呵
此陁羅尼擁護某甲令無怖畏殃禍莎波呵
爾時婆樓那龍王亦於佛前敎令眷屬及目要誓亦
如上說卽說呪曰

多地他 兮摩鞞迷 簾羅綺拏瞿泥 多拏頻度
帝利泥 婆羅叉達利迷 伽僧俱迷 比邪牟苓
翅世 徒噠謨提摩移上多那鋸斯 折摩奚雞

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

大藏經

卷十一

遮羅何羅尊者那茶達底 健荼加都隸 莎波
此陁羅尼句擁護某甲莎波呵

爾時摩那蘇婆帝龍王卽從座起偏袒右肩右膝著地合掌向佛而作是言大德婆伽婆若有依我諸龍大龍胎生卵生濕生化生婆伽婆若現在未來有惡利利王等捨利利王法行於惡行是王當趣阿鼻地獄先道當知皆是惡利利王過龍王無辜橫加惡名以此因緣龍王瞋忿作諸惡業雖然我等敬受如來之教世尊譬如人衆之中有妙寶女澡浴清淨以香

塗身著轉輪聖王上妙衣服於其頭首著勝七寶鬘以真金繩臂印環珮以自莊嚴乘大象乘眷屬圍遶送詣利利王所如是世尊我等諸龍畜生所攝損壞之身爲貪瞋慢之所染污如來今者是法輪王以第一調伏水洗浴我等服慚愧衣以三十七助菩提分髮莊嚴頭首以種種三昧陁羅尼忍地莊嚴我等心意識昇大乘車我今欲往離于五濁清淨佛土隨佛世尊爲諸清淨大菩薩衆之所圍遶說大乘法處是故我等敬受佛教我於今者及自眷屬安住堅固弘誓大願在在處處城邑聚落山川邊城若聲聞乘人

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

若辟支佛乘人若菩薩乘人若出家若在家若持戒
若破戒若多聞若少聞若精進若懈怠若定若亂若
念若失念但於如來所愛信恭敬心生希有於法僧
所及聖愛戒亦復如是於三菩提隨意趣向愛信恭
敬生希有心堅固安住隨所住處若我眷屬若龍父
龍母若男龍女龍若龍男若龍女及龍眷屬隨在在
處處城邑聚落山川邊嶮非時風雨旱潦災雹寒熱
暴起傷害五穀種子芽莖枝葉及諸藥味資生之具
在在處處隨有佛土諸聲聞弟子福田住處若有諸
龍違我命教我今立誓令其身體一切攀縮違失神

通不能遊行燋 热 觸身諸根閉塞依報失壞不能
爲作卽說呪曰

多地邪他 佛唵闍邪 婆羅差 阿摩尼迷苦嚙
娑離梨 阿婆末提 鉢囉帝邪尼利 阿婆尼
邏迷 企羅輸徒 那蘇都畀鉢梨畀娑什婢 娑
捷唵婆梨 波囉訖利移 莎波呵
此唵羅尼擁護某甲莎波呵

爾時一切諸來大眾歡喜踊躍合掌讚歎摩那蘇帝
龍王言善哉善哉善大丈夫汝所應作爲欲利益一
切衆生是時一切龍衆驚怖戰慄悶亂失性爾時乾

闡婆仙名曰樂生卽從座起偏袒右肩合掌向佛而作是言諸佛大眾當一心念若現在若未來惡刹利王愚癡無智憍慢所害不顧後世欺詐無悲惱亂比丘比丘尼乃至歸依如來剃髮著袈裟衣者而作惱亂我當於彼惡刹利王所以三昧力故而作是誓令彼惡王現得果報當令王身及其眷屬資生樂具爲諸敵國之所侵奪及爲內賊反逆擾亂河池枯竭或復潦溢疫病所惱惡星變現殺賊競起耽荒著樂家親眷屬乖散不安四大變異鬼神燒亂天及諸龍乃至餓鬼有威德者悉皆不安有刹利婆羅門毗舍首陀若男若女亦悉不安師子虎狼惡獸毒蟲亦皆不安我今爲欲利益彼惡王國故作此誓何以故是諸惡王於如來所出家剃髮一切諸佛之所住持興三寶種者而作惱亂卽說呪曰

多地他 跋泥 邪婆那鉢隸 摩訶跋那泥度 嘘摩遮齊 鳩蘇摩婆羅帝 育多衫婆差 鞍摩地利多差婆上 嘘鉢那邪 鉢利婆利苦摩 度 嘘迎囉迷 泥何鎌闍斯 邏迷帝利 裴摩跋多 磨輸 嘘法誓 那邪那嫌居隸 甲婆車鞞梨栖 滅那謨制 僧伽毗余差 波羅刹帝 波羅民陁達

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

隸 浮彌頗師齊 十噓摩陁隸 婆那伽逝浮摩
齊 陁婆齊 頗那邪比梨使致什婆迦羅迷修多
羅差 乾闥婆斯悉 莎波呵

此陁羅尼句擁護某甲令無怖畏災禍莎波呵
令彼惡刹利王及不見後世惱亂比丘者得如是惡
爾時一切諸來龍衆及乾闥婆衆各作是言願放捨
我若刹利王違法行惡惱亂法僧我當順誓還令我
等於自宮內遊戲歌舞自在受樂爾時一切諸來大
衆同聲讚言善哉善哉爾時地藏菩薩摩訶薩合掌
禮佛而作是言世尊我有一切三昧遊戲神通今亦

欲說幢杖大陁羅尼門若於此幢杖大陁羅尼門一
經耳者所有耳病悉得除愈亦除一切貪瞋癡等煩
惱諸病設不全滅能令輕薄以此呴呴於海皮安禪
滿百千遍用塗王鼓有聞聲者所有貪瞋癡等一切
煩惱悉皆微薄於佛法中得清淨信恭敬愛樂希有
之心亦得勇猛隨順法行深信後世資生豐足衆人
愛樂莫不喜見卽說呴曰

多地他 崩伽婆 末帝阿盧波 摩帝器多羅浮
革波那塞地 句那磨企隸 磨蹉奴隸 橋何囉
那地 那叉跋迷槃陁阿囉輸迷 押伽羅耆梨迷

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

大藏經卷第

三

唐十

盧醯多何羅韁 濱伽羅蘇 婆伽那兮梨泥
 安唵柘漩梨迦囉浮逝 雜舍盧醯 三摩提頭婆
 利 莎波呵

此唵羅尼句擁護某甲令離怖畏莎波呵
 爾時如來讚地藏菩薩摩訶薩言善哉善哉善丈夫
 及一切大眾亦共讚言善哉善哉善哉善丈夫
 即從座起偏袒右肩合掌向佛而作是言佛及大眾
 唯願隨喜我今亦欲說大唵羅尼名一切如來語言
 音聲發幢蓋摩尼願眼有大威德有大威勢有大威
 力滿多聞藏滿智慧藏諸佛聲聞之所成就若有於

如來所盡形壽安住淨戒安住優婆塞戒若住沙彌
 戒若住具足戒若器非器若於此幢蓋摩尼願眼大
 噩羅尼能受持讀誦七日七夜慧觀方便恒常觀察
 於五受陰數數誦此幢蓋願眼大唵羅尼於七日夜
 能誦滿百千徧使得聞持隨聞能受得無量辯才
 能令刹利婆羅門毗舍首陁及一切衆生生敬信心
 又復能令豐足資財趣向天道常得親近生諸佛前
 卽於佛前而說呪曰

多地他 帝利拏 僧是若翅 鼻帝利拏 頻鞞
 迦醯唵差 蒲婆蘇閉 遮摩羅謹鞞阿婆羅差

經

大藏經卷第

三

唐十

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

阿差邪盧臂 阿遲邪兜摩帝彌利尸利婆毗莎婆
利 嬬渠闍陁是禰 閻闍羅奴迷 阿那摩輸地

彌梨佢其利差

尼羅婆齊 末伽婆差

袍婆

莎婆利呵佛梨

帝蘇步

莎婆囉佢逝

蘇謨帝

謨泥

莎波呵

此唵羅尼擁護某甲莎波呵

爾時世尊讚無盡意菩薩言善哉善哉善丈夫於我法中善作住持汝能顯現此幢蓋願眼大唵羅尼能示一切衆生多聞眼爾時一切菩薩大衆讚無盡意菩薩言善哉善哉善丈夫汝於現在及未來世若有

趣向一切大乘衆生則能增長住持多聞之聚汝今於此幢蓋願眼滿足多聞大唵羅尼能顯示故爾時文殊師利童子菩薩摩訶薩卽從座起偏袒右肩合掌向佛而作是言世尊我今亦欲令此四天下所有樹木華果五穀藥味芽莖枝葉及依地衆生資須之具令其豐足爲擁護故說大唵羅尼名能懼尸利子利奴此四天下中希有未有未見未聞如來所作如是大集我今說此能懼尸利子利奴大唵羅尼有大威力增長一切種子芽莖枝葉華果藥味潤澤甘美悉皆豐饒令一切衆生能作信戒多聞布施智

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

慧慈悲方便長養一切助菩提分法卽於佛前而說
呪曰

多地他 阿曼禰邪居閉 伽婆叉毗誓渠盧遮盧
迷 戶利邪叉居蘇迷那婆鋸聞地徒資切 何囉闍跋
迷車吒婆波摩齊畢素狠祇阿佛囉素隸何婆伽闍
差 盧摩浮闍差 鉗毗囉婆素迷 阿奴摩邪薩
利鉢羅賒都裔莎波呵

此陀羅尼句擁護某甲莎波呵

爾時文殊師利白佛言世尊以此陀羅尼書高幢上
以大音聲而讚誦之復以此陀羅尼呪摩阿那果汁

一千徧用散樹木田苗五穀若以此呪呪諸螺鼓而
吹擊之隨其音聲所到之處所有孽果五穀藥味依
地生者一切災害無能毀壞無能乾枯不能燒滅亦
復不能奪其精氣又亦不能損其勢力無能劫奪若
天若龍乃至大威德薜荔鬼若魔若魔眷屬
不能爲害況餘衆生及衆生數唯除宿業定障爾時
世尊讚言善哉善哉善男子汝今善能於四天下中
昇施德乘善男子汝復又能助成無量衆生無上苦
提之道爾時一切諸菩薩衆讚文殊師利菩薩言善
哉善哉如汝所作常應如是爾時觀世音菩薩語彌

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

勒菩薩摩訶薩言我今與汝大唵羅尼名船華功德以此唵羅尼句於諸衆生披以大慈鎧音而爲說法是等衆生以汝三昧神通力故得聞正法除諸惡心及諸邪見諸惡知識及諸惡伴恒常憶念慈悲善根於一切衆生所起憐愍心深見後世心遠離十不善心住十善道心悉能清淨一切衆生心降注法雨稱衆生欲一切怨家令其欣喜生信善心卽說呪曰
多地邪他 藍步莎婆利迦莎邪跋迷 三稱移婆竭隸 嘴婆何楞伽闍隸 募刀差素何义莎婆梨蘇呵風祇阿婆路迦唵隸悉唵呵毗婆差馳呵

那頻婆兮梨 阿毗扇唵遏鞞 搖婆遮羅 阿婆囉何羅斯婆羅呵初地 利哩迦何囉都裔 三摩提羯泥婆羅闍尼帝利 摩訶浮多究細 阿囉拏尼隸 婆羅呵賒迷 尼羅居蘇迷 莎波呵
此唵羅尼句擁護國主莎波呵

如是彌勒此船華德大唵羅尼以此唵羅尼鎧菩薩摩訶薩爲衆生說法若諸衆生聞此唵羅尼音一經耳者乃至微細蚊蚋蟲等濁惡之心皆悉消滅於善法中得安住心況復人等得聞此唵羅尼若有人欲求雨者當至泉原龍居之處誦此唵羅尼一日誦一

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

千八徧日日如是乃至七日復以種種好華名香百味飲食散龍池中唯除酒肉五辛不淨之食從月七日至十四日於十五日旦當以胡椒末和彈麻油呪一千八徧塗白氈上弃龍泉中能令此龍於彼人所生大欣喜便澍大雨爾時會中諸大龍及諸龍仙諸來集者得聞船華德大阨羅尼欣喜踊躍不能自勝深自慶幸起於慈心信後世心於三寶中淨信尊重生恭敬心希有之心懺悔自己生畜生趣惡業之心入無上大乘心彼諸龍等各隨力能欲供養佛諸龍大龍或有雨於金末銀末牛頭栴檀堅黑沉水龍堅

栴檀多摩羅葉香又雨優鉢羅華波頭摩種種諸華種種衣種種益種種幢旛金繩珠瓔一切諸龍大龍向佛合掌一時同聲而作是言大德婆伽婆我等一切於三寶所住增上信樂心我等今者於世尊前說誠實誓在在處處城邑聚落人民之中顯示如是船華德阨羅尼如是一切諸餘阨羅尼謂水宅心阨羅尼磨刀阨羅尼幢蓋願阨羅尼能求尸利子利奴阨羅尼船華德阨羅尼及四天王所說阨羅尼并四龍心阨羅尼如是等大阨羅尼在在處處一一顯示演說受持讀誦我等諸龍隨彼處城邑聚落邊地山

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

川隨其時節起雲降雨寒溫調適我等於彼處滅除自軍他軍鬪亂諍訟疫病飢餓死亾等令其處處安隱豐熟人民安樂甚可愛樂我又令彼種子芽莖枝葉華果樹木五穀藥草增長其味不令損減衆生依報豐饒肥膩甘甜勝味妙香能令出生我等亦能令閻浮提一切諸王各生慈心利益心無怨心無違諍心如是婆羅門刹利毗舍首陀乃至夜叉令生慈心乃至優婆塞優婆夷令生和合心隨此陀羅尼所至到處我等能爲如上所說之事爾時世尊讚諸龍言善哉善哉爾時一切諸來大衆亦讚諸龍善哉善

哉爾時須彌藏菩薩亦讚善哉讚善哉已告功德天言清淨智汝今乃有如是無量諸大菩薩以爲善友猶故不能轉調伏輪成熟衆生時功德天語須彌藏菩薩言若菩薩摩訶薩以願力自在因緣故於此穢惡五濁佛刹受生得值如是善知識伴如我今日得遇如是相應善友者彼人阿耨多羅三藐三菩提便在掌中則爲滿足六波羅蜜若有勇猛精進菩薩爲善友所攝者一切種智便在掌中佛言如是如是清淨智如汝所說若有菩薩摩訶薩願力自在爲成熟衆生因緣故生五濁世勇猛精進堅固不退以四攝

1 2 3 4 5 6 7 8 9 20 1 2 3 4 5 6 7 8 9 21 1 2 3 4 5 6 7 8 9 22

法相應爲如是大善知識伴所攝一切智智已在掌中當知彼人便爲滿足六波羅蜜離三惡道當知是人遠離胞胎當知是人住無學地盡諸有漏當知彼人爲一切諸佛憶念護持當知是人住離慾地爾時會中有天帝釋名無垢威德合掌向佛而作是言世尊何因何緣是諸龍大龍損壞世間衆生資財佛言有二因緣是諸龍等能壞世間衆生資財何等爲二者貪力因緣二者嗔力因緣以是因緣故起非時雲雨霜雹寒熱損壞衆生所有種子芽莖枝葉華果五穀藥味悉令燒然乾枯墮落損減衆生資生之具

令身口意造作種種諸重惡業衆生以此重業障故燒滅過去一切善根無有遺餘遠離善知識常在三惡道或有衆生於現在世爲衣食故乃至造作五逆重業以惡業故於無量劫不得人身設使久後得人身者或諸根殘缺或失正念生旃陀羅家下劣種姓工巧之家貧窮下賤衣食不充資生乏短又復以惡業故離善知識以身口意惡業障行復墮三惡道中乃至阿鼻地獄是其勝路如是善男子飲食乏短故是諸衆生久處生死沉流不絕具受三塗種種極苦爾時世尊卽說偈言

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

所有諸苦生 皆由於飲食 若離於飲食
諸苦則不生

爾時無垢威德帝釋卽說偈言

善哉恩愛縉 乃至於有頂 如是廣大縉
皆因飲食生 凡夫二種因 愛繩繫縛身
不能得逃避 猶如鹿著縉 或走或徐行
起已還復墮 愛毒藥過故 或啼或喜笑
機關苦輪逼 猶如壓油麻 一切諸天人
愛逼迫亦然 百千衆技術 雖見種種巧
愛戲弄人天 巧妙過於彼 貪愛毒之過

能害一切人 設學武勇怨 猶尚不能及
如夜叉所執 狂亂種種語 愛夜叉所執
狂亂過於是 世有吉祥人 能離恩愛怖
若能乾竭愛 則度世彼岸

爾時觀世音菩薩亦說偈言

貪瞋癡惑人 狂亂無正念 遠離一切善
造作重惡業 不敬尊父母 散滅於善道
不敬信三寶 又造諸逆業 無有悲愍心
暴惡甚可怖 彼瞋心力故 入阿鼻地獄
衆生瞋恚故 迭互相食噉 數數惡道中

衆苦所逼迫 遠離善知識 惡心所躡頓
常處諸有海 遊行黑闇路 菩薩大悲身
爲如是衆生 自捨於已樂 令彼得解脫
修習菩提行 造作三種事 建立勝法幢
除滅衆生惡 爲一衆生故 廣集諸苦行
精勤修道法 捨財及身命 爲一一衆生
無量劫受苦 救拔衆生故 堪忍世苦惱
功德天勇猛 住教化衆生 爲貪欲衆生
發起菩提心

爾時功德天以一斛器盛諸種子奉上觀世音菩薩

摩訶薩而作是言我今以此一斛種子施善丈夫爲欲增益一切種子願令我意所欲成滿又令我能在於四天下充足衆生資生之具於惡暴虐斷善衆生拔其苦惱令得安住菩提之種爾時觀世音菩薩摩訶薩卽以手執彼種子器徧示十方作如是言一切十方諸佛菩薩及以諸龍今現在者願悉念我令使一切諸四天下所有種子芽莖枝葉華果五穀及諸藥味地味精氣衆生精氣善法精氣增長無損又復令此四天下中三寶種性相續不斷使功德天一切所願皆悉滿足常使功德天能令一切衆生資財豐足

1 2 3 4 5 6 7 8 9 210 1 2 3 4 5 6 7 8 9 210

亦能教化一切衆生遠離一切惡令發菩提心又令諸衆生得離三惡道生於天中卽說呪曰

多地他 卯尼尸婆 卯尼那佉 卯尼波羅
尼莎利 薩斯婆於娑差帝利多囉波羅那膩羅
婆邪婆 薩婆毗闍 邪婆悉利梨 莎波呵
此唵羅尼句擁護某甲莎波呵

爾時世尊讚觀世音菩薩功德天言善哉善哉告功德天言清淨智一切諸佛及諸大衆已作加護於此四天下中五穀種子芽莖枝葉悉令成熟又亦令汝能化衆生汝今應當教化衆生爾時帝釋橋尸迦白

佛言世尊當何名此法門云何受持佛告橋尸迦此經名曰如來共功德天本願要誓經亦名須彌藏菩薩所願亦名唵羅尼篋亦名增長地味亦名三昧方便教化衆生說此法時功德大天須彌藏菩薩摩訶薩及一切諸來龍大龍并其眷屬一切神仙天人阿修羅乾闥婆衆聞佛所說皆大歡喜

大集須彌藏經卷下

音釋卷上

般

鉀

甲 同

蚩

萌

漱

渴 同

險

險

翁

翁

蔚

鬱

稽

貴

渠

渠

送

送

筰

斯

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

劇極

礦國上聲

卷下

齒孽

篋怯

勺蓋

蝦蟆

翹試

環珮即鑄

寢寇同

髡臭

絪也

頃第髮

斬丁豆

蹠髀同

南藏作𦵯

南藏即鑄

第十二紙

三行
劄字

南藏作𦵯

當湖馮洪業續鐫
成種玅嚴性德究竟圓覺願多生父母咸被資

薰誕登覺岸俾業乘願入死出生不迷本性具

足正知又願藏教遐訖民風還淳永無災難

二
四十八終
廿五
毛後未先數

0 1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

二
四十八
總

0123456789200123456789210123456789220123456789230